pathama brahmajālasuttam 0.0.1

- evam me sutam ekam samayam bhaqavā antarā ca rājagaham antarā ca nālandam addhānamaggapatipanno hoti mahatā bhikkhusanghena saddhim pañcamattehi bhikkhusatehi. suppivo'pi kho paribbājako antarā ca rājagaham antarā ca nālandam addhānamaggapatipanno hoti saddhim antevāsinā brahmadattena mānavena. tatra sudam suppiyo paribbājako anekapariyāyena buddhassa avannam bhāsati, dhammassa avannam bhāsati, sanghassa avannam bhāsati. suppivassa pana paribbājakassa antevāsī brahmadatto mānavo anekapariyāyena buddhassa vannam bhāsati, dhammassa vannam bhāsati, sanghassa vannam bhāsati. itiha te ubho ācariyantevāsī aññamaññassa ujuvipaccanīkavādā bhagavantam pitthito pitthito anubaddhā¹ honti bhikkhusangham ca.
- atha kho bhagavā ambalatthikāyam rājāgārake eka-2. rattivāsam upagañchi saddhim bhikkhusanghena. suppiyo'pi kho paribbājako ambalatthikāvam rājāgārake ekarattivāsam upaganchi saddhim antevāsinā brahmadattena māṇavena. tatra'pi sudam suppiyo paribbājako anekapariyāvena buddhassa avannam bhāsati, dhammassa avannam bhāsati, sanghassa avannam bhāsati. suppiyassa pana paribbājakassa antevāsī brahmadatto mānavo buddhassa vannam bhāsati, dhammassa vannam bhāsati, saṅghassa vannam bhāsati. itiha te ubho ācariyantevāsī aññamaññassa ujuvipaccanīkavādā vi-

¹anubandhā, machasam.

haranti.

- 3. atha kho sambahulānam bhikkhūnam rattiyā paccūsasamayam paccutthitānam mandalamāle sannisinnānam sannipatitānam ayam sankhiyādhammo udapādi: "acchariyam āvuso, abbhutam āvuso, yāvancidam tena bhagavatā jānatā passatā arahatā sammāsambuddhena sattānam nānādhimuttikatā suppatividitā. ayam hi suppiyo paribbājako anekapariyāyena buddhassa avannam bhāsati, dhammassa avannam bhāsati, sanghassa avannam bhāsati. suppiyassa pana paribbājakassa antevāsī brahmadatto mānavo buddhassa vannam bhāsati, dhammassa vannam bhāsati, sanghassa vannam bhāsati. itiha'me ubho ācariyantevāsī añnamannassa ujuvipaccanīkavādā bhagavantam piṭthito pitthito anubaddhā honti bhikkhusangham cā"ti.
- 4. atha kho bhagavā tesam bhikkhūnam imam sankhiyādhammam viditvā yena mandalamālo tenupasankami. upasankamitvā pañnatte āsane nisīdi. nisajja kho bhagavā bhikkhū āmantesi: "kāya nu'ttha bhikkhave etarahi kathāya sannisinnā sannipatitā? kā ca pana vo antarā kathā vippakatā?"ti. evam vutte te bhikkhū bhagavantam etadavocum: "idha bhante amhākam rattiyā paccūsasamayam paccuṭṭhitānam mandalamāle sannisinnānam sannipatitānam ayam sankhiyādhammo udapādi "acchariyam āvuso, abbhutam āvuso

pts page 002

yāvañcidam tena bhagavatā arahatā sammāsambuddhena sattānam nānādhimuttikatā suppaţividitā. ayam hi suppiyo paribbājako anekapariyāyena buddhassa avaṇṇam bhāsati, dhammassa avaṇṇam bhāsati, saṅghassa avaṇṇam bhāsati. suppiyassa pana paribbājakassa antevāsī brahmadatto māṇavo buddhassa vaṇṇam bhāsati, dhammassa vaṇṇam bhāsati, saṅghassa vaṇṇam bhāsati. itihaˈme ubho ācariyantevāsī aññamaññassa ujuvipaccanīkavādā bhagavantam piṭṭhito piṭṭhito anubaddhā honti bhikkhusaṅghañcāˈti. ayam kho no bhante antarākathā vippakatā. atha bhagavā anuppatto"ti.

"mamam vā bhikkhave pare avannam bhāseyyum, dhammassa vā avannam bhāsevyum, sanghassa vā avannam bhāseyyum, tatra tumhehi na āghāto na appaccayo na cetaso anabhiraddhi karanīyā. mamam vā bhikkhave pare avannam bhāseyyum, dhammassa vā avannam bhāseyyum, sanghassa vā avannam bhāseyyum, tatra ce tumhe assatha kupitā vā anattamanā vā, tumham yevassa tena antarāyo. mamam vā bhikkhave pare avannam bhāseyyum, dhammassa vā avannam bhāseyyum, saṅghassa vā avannam bhāseyyum, tatra tumhe assatha kupitā vā anattamanā vā, api nu paresam subhāsitam dubbhāsitam tumhe ājānevvāthā?"ti. "no hetam bhante. " "mamam vā bhikkhave pare avannam bhāsevyum, dhammassa vā avannam bhāsevyum, sanghassa vā avannam bhāseyyum, tatra tumhehi abhūtam abhūtato nibbethetabbam: 'iti'petam abhūtam. iti'pe-

pts page 003

tam ataccham. natthi cetam amhesu. na ca panetam amhesu samvijjatī'ti. "

- 6. "mamam vā bhikkhave pare vaṇṇam bhāseyyum, dhammassa vā vaṇṇam bhāseyyum, saṅghassa vā vaṇṇam bhāseyyum, tatra tumhehi na ānando na somanassam na cetaso ubbilāvitattam² karaṇīyam. mamam vā bhikkhave pare vaṇṇam bhāseyyum, dhammassa vā vaṇṇam bhāseyyum, saṅghassa vā vaṇṇam bhāseyyum, tatra ce tumhe assatha ānandino sumanā ubbilāvino³, tumham yevassa tena antarāyo. mamam vā bhikkhave pare vaṇṇam bhāseyyum, dhammassa vā vaṇṇam bhāseyyum, saṅghassa vā vaṇṇam bhāseyyum, tatra vā tumhehi bhūtam bhūtato paṭijānitabbam: "iti'petam bhūtam, iti'petam taccham. atthi cetam amhesu. saṃvijjati ca panetam amhesū'ti. "
- 7. "appamattakam kho panetam bhikkhave oramattakam sīlamattakam, yena puthujjano tathāgatassa vaņņam vadamāno vadeyya. katamañca tam bhikkhave appamattakam oramattakam sīlamattakam, yena puthujjano tathāgatassa vaṇṇam vadamāno vadeyya.?
- 8. "pāṇātipātaṃ pahāya pāṇātipātā paṭivirato samaṇo gotamo nihitadaṇḍo nihitasattho lajjī dayāpanno sabbapāṇabhūtahitānukampī viharatī"ti. iti vā hi bhik-

 2 ubbillāvitattam, machasam.

bjt page 006

³ubbillāvino, machasam.

khave puthujjano tathāgatassa vaņņam vadamāno vadeyya.

- 9. "adinnādānam pahāya adinnādānā paṭivirato samaņo gotamo dinnādāyī dinnapāṭikaṅkhī athenena sucibhūtena attanā viharatī"ti. iti vā hi bhikkhave puthujjano tathāgatassa vaṇṇam vadamāno vadeyya.
- 10. "abrahmacariyam pahāya brahmacārī samaņo gotamo ārācārī virato methunā gāmadhammā"ti. iti vā hi bhikkhave puthujjano tathāgatassa vaṇṇam vadamāno vadeyya.
- 11. "musāvādam pahāya musāvādā paţivirato samaņo gotamo saccavādī saccasandho theto paccayiko avisamvādako lokassā"ti. iti vā hi bhikkhave puthujjano tathāgatassa vaṇṇam vadamāno vadeyya.
- 12. "pisuṇaṃ vācaṃ pahāya pisuṇāya vācāya paṭivirato samaṇo gotamo. ito sutvā na amutra akkhātā imesambhedāya. amutra vā sutvā na imesaṃ akkhātā amūsambhedāya. iti bhinnānaṃ vā sandhātā saṃhitānaṃ vā anuppadātā. samaggārāmo samaggarato samagganandī samaggakaraṇiṃ vācaṃ bhāsitā"ti. iti vā hi bhikkhave puthujjano tathāgatassa vaṇṇaṃ vadamāno vadeyya.

pts page 004

- 13. "pharusam vācam pahāya pharusāya vācāya pativirato samaņo gotamo. yā sā vācā neļā kaņņasukhā pemanīyā hadayangamā porī bahujanakantā bahujanamanāpā, tathārūpim vācam bhāsitā"ti. iti vā hi bhikkhave puthujjano tathāgatassa vaņņam vadamāno vadeyya.
- 14. "samphappalāpam pahāya samphappalāpā paṭi-virato samaņo gotamo, kālavādī bhūtavādī atthavādī dhammavādī vinayavādī, nidhānavatim vācam bhāsitā kālena sāpadesam pariyantavatim atthasamhitanti" iti vā hi bhikkhave puthujjano tathāgatassa vaṇṇam vadamāno vadeyya.
- 15. "bījagāmabhūtagāmasamārambhā paṭivirato samaņo gotamo. ekabhattiko samaņo gotamo rattūparato virato vikālabhojanā. naccagītavāditavisūkadassanā paṭivirato samaņo gotamo. mālāgandhavilepanadhāraṇamaṇḍanavibhūsanaṭṭhānā paṭivirato samaņo gotamo. uccāsayanamahāsayanā paṭivirato samaņo gotamo. jātarūparajatapaṭiggahaṇā paṭivirato samaņo gotamo. āmakadhaññapaṭiggahaṇā paṭivirato samaņo gotamo. āmakamaṃsapaṭiggahaṇā paṭivirato samaņo gotamo. itthikumārikapaṭiggahaṇā paṭivirato samaņo gotamo. dāsidāsapaṭiggahaṇā paṭivirato samaņo gotamo. ajeļakapaṭiggahaṇā paṭivirato samaņo gotamo. kukkuṭasūkarapaṭiggahaṇā paṭivirato samaņo gotamo. hatthigavāssavaļavapaṭiggahaṇā paṭivirato samaņo go-

tamo. khettavatthupatiggahanā pativirato samano gotamo. dūtevya pahinagamanānuyogā pativirato samano gotamo. kayavikkayā pativirato samano gotamo. tulākūta - kamsakūta - mānakūtā pativirato samano gotamo. ukkotana - vañcananikati - sāciyogā pativirato samano gotamo. chedana - vadhabandhana - viparāmosa - ālopasahasākārā paţivirato samaņo gotamo "ti. iti vā hi bhikkhave puthujjano tathāgatassa vannam vadamāno vadeyya.

- "yathā vā paneke bhonto samanabrāhmaņā saddhādevvāni bhojanāni bhuñjitvā te evarūpam bījagāmabhūtagāmasamārambham anuvuttā viharanti sevvathīdam: mūlabījam khandhabījam phalubījam aggabījam bījabījameva pañcamam, iti vā iti evarūpā bījagāmabhūtagāmasamārambhā pativirato samaņo gotamo"ti. iti va hi bhikkhave puthujjano tathaqatassa vannam vadamāno vadeyya.
- "yathā vā paneke bhonto samanabrāhmanā saddhādeyyāni bhojanāni bhuñjitvā te evarūpam sannidhikāraparibhogam anuvuttā viharanti. seyyathīdam: annasannidhim pānasannidhim vatthasannidhim vānasannidhim sayanasannidhim qandhasannidhim āmisasannidhim, iti vā iti evarūpā sannidhikāraparibhogā pativirato samano gotamo"ti. iti va hi bhikkhave puthujjano tathāgatassa vannam vadamāno vadevya.

bit page 010

- 8. "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpaṃ visūkadassanaṃ anuyuttā viharanti. seyyathīdaṃ: naccaṃ gītaṃ vāditaṃ pekkhaṃ akkhānaṃ pāṇissaraṃ vetālaṃ⁴ kumbhathūnaṃ sobhanakaṃ⁵ caṇḍālaṃ vaṃsaṃ dhovanaṃ⁶ hatthiyuddhaṃ assayuddhaṃ daṇḍayuddhaṃ muṭṭhiyuddhaṃ nibbuddhaṃ uyyodhikaṃ balaggaṃ senābyuhaṃ anīkadassanaṃ. iti vā iti evarūpā visūkadassanā paṭivirato samaṇo gotamo"ti. iti vā hi bhikkhave puthujjano tathāgatassa vaṇṇaṃ vadamāno vadeyya.
- 19. "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpaṃ jūtappamādaṭṭhānānuyogaṃ anuyuttā viharanti seyyathīdaṃ: aṭṭhapadaṃ dasapadaṃ ākāsaṃ parihārapathaṃ santikaṃ khalikaṃ ghaṭikaṃ salākahatthaṃ akkhaṃ paṅgacīraṃ vaṅkakaṃ mokkhacikaṃ ciṅgulakaṃ pattāļhakaṃ rathakaṃ dhanukaṃ akkharikaṃ manesikaṃ yathāvajjaṃ. iti vā iti evarūpā jūtappamādaṭṭhānānuyogā paṭivirato samaṇo gotamo"ti. iti vā hi bhikkhave puthujjano tathāgatassa vaṇṇaṃ vadamāno vadeyya.
- **20.** "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpaṃ uccāsa-

⁴vetālam, [pts].

⁵sobhana garakam, [pts].

⁶dhopanam, [pts].

bjt page 012

pts page 007

yanamahāsayanam anuyuttā viharanti. seyyathīdam: āsandim pallankam gonakam cittakam paṭikam paṭalikam tulikam vikatikam uddalomim ekantalomim kaṭṭhissam koseyyam kuttakam hatthattharam assattharam rathattharam ajinappavenim kādalimigapavarapaccattharanam sauttaracchadam ubhatolohitakūpadhānam. iti vā iti evarūpā uccāsayanamahāsayanā paṭivirato samano gotamo"ti. iti vā hi bhikkhave puthujjano tathāgatassa vaṇṇam vadamāno vadeyya.

- 21. "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpaṃ maṇḍanavibhusanaṭṭhānānuyogaṃ anuyuttā viharanti seyyathīdaṃ: ucchādanaṃ parimaddanaṃ nahāpanaṃ sambāhanaṃ ādāsaṃ añjanaṃ mālāvilepanaṃ mukhacuṇṇakaṃ mukhalepanaṃ hatthabandhaṃ sikhābandhaṃ daṇḍakaṃ nāḷikaṃ asiṃ chattaṃ citrūpāhanaṃ uṇhīsaṃ maṇiṃ vālavījaniṃ odātāni vatthāni dīghadasāni. iti vā iti evarūpā maṇḍanavibhusanaṭṭhānānuyogā paṭivirato samaṇo gotamo"ti. iti vā hi bhikkhave puthujjano tathāgatassa vaṇṇaṃ vadamāno vadeyya.
- 22. "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpaṃ tiracchānakathaṃ anuyuttā viharanti. seyyathīdaṃ: rājakathaṃ corakathaṃ mahāmattakathaṃ senākathaṃ bhayakathaṃ yuddhakathaṃ annakathaṃ pānakathaṃ vatthakathaṃ sayanakathaṃ mālākathaṃ gandhakathaṃ

bit page 014

ñātikatham yānakatham gāmakatham nigamakatham nagarakatham janapadakatham itthikatham sūrakatham visikhākatham kumbhatthānakatham pubbapetakatham nānattakatham lokakkhāyikam samuddakkhāyikam itibhavābhavakatham. iti vā iti evarūpāya tiracchānakathāya paṭivirato samano gotamo"ti. iti vā hi bhikkhave puthujjano tathāgatassa vaṇṇam vadamāno vadeyya.

- 23. "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpaṃ viggāhikakathaṃ anuyuttā viharanti. seyyathīdaṃ: na tvaṃ imaṃ dhammavinayaṃ ājānāsi. ahaṃ imaṃ dhammavinayaṃ ājānāmi. kiṃ tvaṃ imaṃ dhammavinayaṃ ājānissasi? micchāpaṭipanno tvamasi, ahamasmi sammā paṭipanno. sahitaṃ me, asahitaṃ te. pure vacanīyaṃ pacchā avaca. pacchā vacanīyaṃ pure avaca. āciṇṇaṃ te viparāvattaṃ. āropito te vādo. niggahito tvamasi. cara vādappamokkhāya. nibbeṭhehi vā sace pahosī'ti. iti vā iti evarūpāya viggāhikakathāya paṭivirato samaṇo gotamo"ti. iti vā hi bhikkhave puthujjano tathāgatassa vaṇṇaṃ vadamāno vadeyya.
- 24. "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpaṃ dūteyyapahiṇagamanānuyogaṃ anuyuttā viharanti. seyyathīdaṃ: raññaṃ rājamahāmattānaṃ khattiyānaṃ brāhmaṇānaṃ gahapatikānaṃ kumārānaṃ 'idha gaccha.

amutrāgaccha. idam hara. amutra idam āharā'ti. iti vā iti evarūpā dūteyyapahiṇagamanānuyogā paṭivirato samaṇo gotamo'ti. iti vā hi bhikkhave puthujjano tathāgatassa vaṇṇaṃ vadamāno vadeyya.

- 25. "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te kuhakā ca honti lapakā ca nemittikā ca nippesikā ca lābhena lābhaṃ nijigiṃsitāro. iti vā iti evarūpā kuhanalapanā paṭivirato samaṇo gotamo"ti. iti vā hi bhikkhave puthujjano tathāgatassa vaṇṇaṃ vadamāno vadeyya.
- 26. "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpāya tiracchānavijjāya micchājīvena jīvikaṃ kappenti seyyathīdaṃ: aṅgaṃ nimittaṃ uppātaṃ supinaṃ lakkhaṇaṃ mūsikacchinnaṃ aggihomaṃ dabbihomaṃ thusahomaṃ kaṇahomaṃ taṇḍulahomaṃ sappihomaṃ telahomaṃ muckhahomaṃ lohitahomaṃ aṅgavijjā vatthuvijjā khattavijjā sivavijjā bhūtavijjā bhurivijjā ahivijjā visavijjā vicchikavijjā mūsikavijjā sakuṇavijjā vāyasavijjā pakkajjhānaṃ saraparittāṇaṃ migapakkhaṃ. iti vā iti evarūpāya tiracchānavijjāya micchājīvā paṭivirato samaṇo gotamo"ti. iti vā hi bhikkhave puthujjano tathāgatassa vaṇṇaṃ vadamāno vadeyya.

bjt page 016

- 27. "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpāya tiracchānavijjāya micchājīvena jīvikaṃ kappenti seyyathīdaṃ: maṇilakkhaṇaṃ daṇḍalakkhaṇaṃ vatthalakkhaṇaṃ asilakkhaṇaṃ usulakkhaṇaṃ dhanulakkhaṇaṃ āvudhalakkhaṇaṃ itthilakkhaṇaṃ purisalakkhaṇaṃ kumāralakkhaṇaṃ kumārīlakkhaṇaṃ dāsalakkhaṇaṃ dāsīlakkhaṇaṃ hatthilakkhaṇaṃ assalakkhaṇaṃ mahisalakkhaṇaṃ usabhalakkhaṇaṃ golakkhaṇaṃ ajalakkhaṇaṃ meṇḍalakkhaṇaṃ kukkuṭalakkhaṇaṃ vaṭṭalakkhaṇaṃ godhālakkhaṇaṃ kaṇṇikālakkhaṇaṃ kacchapalakkhaṇaṃ migalakkhaṇaṃ. iti vā iti evarūpāya tiracchānavijjāya micchājīvā paṭivirato samaṇo gotamo'ti. iti vā hi bhikkhave puthujjano tathāgatassa vaṇṇaṃ vadamāno vadeyya.
- 28. "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpāya tiracchānavijjāya micchājīvena jīvikaṃ kappenti seyyathīdaṃ: raññaṃ niyyānaṃ bhavissati. raññaṃ atiyānaṃ bhavissati. abbhantarānaṃ raññaṃ upayānaṃ bhavissati. bāhirānaṃ raññaṃ apayānaṃ bhavissati. bāhirānaṃ raññaṃ upayānaṃ bhavissati. abbhantarānaṃ raññaṃ apayānaṃ bhavissati. abbhantarānaṃ raññaṃ jayo bhavissati. bāhirānaṃ raññaṃ parājayo bhavissati. bāhirānaṃ raññaṃ parājayo bhavissati. iti imassa jayo bhavissati. iti wā iti evarūpāya tiracchānavijjāya micchājīvā paṭivirato sa-

maņo gotamo'ti. iti vā bhikkhave puthujjano tathāgatassa vaņaņam vadamāno vadeyya.

29. "vathā vā paneke bhonto samanabrāhmanā saddhādevyāni bhojanāni bhuñjitvā te evarūpāva tiracchānavijjāya micchājīvena jīvikam kappenti - seyyathīdam: candaggāho bhavissati, suriyaggāho bhavissati, nakkhattaggāho bhavissati, candimasuriyānam pathagamanam bhavissati, candimasuriyanam uppathagamanam bhavissati, nakkhattānam pathagamanam bhavissati, nakkhattānam uppathagamanam bhavissati, ukkāpāto bhavissati, disādāho bhavissati, bhūmicālo bhavissati, devadundubhi bhavissati, candimasuriyanakkhattanam uggamanam ogamanam samkilesam vodānam bhavissati. evamvipāko candaggāho bhavissati, evamvipāko suriyaggāho bhavissati, evamvipāko nakkhattaggāho bhavissati, evamvipākam candimasurivānam pathagamanam bhavissati, evamvipākam candimasuriyanam uppathagamanam bhavissati, evam vipākam nakkhattānam pathagamanam bhavissati, evamvipākam nakkhattānam uppathagamanam bhavissati, evamvipāko ukkāpāto bhavissati, evamvipāko disādāho bhavissati, evamvipāko bhūmicālo bhavissati. evamvipāko devadundūbhi bhavissati, evamvipākam candimasuriyanakkhattanam uggamanam ogamanam sankilesam vodānam bhavissati, iti vā iti evarūpāva tiracchānavijjāya micchājīvā pativirato samano gotamo'ti. " iti va hi bhikkhave puthujjano tathagatassa vannam

bjt page 018

vadamāno vadeyya.

- 30. "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpāya tiracchānavijjāya micchājīvena jīvikaṃ kappenti seyyathīdaṃ: subbuṭṭhikā bhavissati, dubbuṭṭhikā bhavissati, subhikkhaṃ bhavissati, dubbhikkhaṃ bhavissati, khemaṃ bhavissati, bhayaṃ bhavissati, rogo bhavissati, ārogyaṃ bhavissati. muddā gaṇanā saṅkhānaṃ kāveyyaṃ lokāyataṃ. iti vā iti evarūpāya tiracchānavijjāya micchājīvā paṭivirato samaṇo gotamo'ti. " iti vā hi bhikkhave puthujjano tathāgatassa vaṇṇaṃ vadamāno vadeyya.
- 31. "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpāya tiracchānavijjāya micchājīvena jīvikaṃ kappenti seyyathīdaṃ: āvāhanaṃ vivāhanaṃ saṃvadanaṃ vivadanaṃ saṅkiraṇaṃ vikiraṇaṃ subhagakaraṇaṃ dubbhagakaraṇaṃ viruddhagabbhakaraṇaṃ jivhānitthambhanaṃ hanusaṃhananaṃ hatthābhijappanaṃ hanujappanaṃ kaṇṇajappanaṃ ādāsapañhaṃ kumārikapañhaṃ devapañhaṃ ādiccupaṭṭhānaṃ mahatupaṭṭhānaṃ abbhujjalanaṃ sirivhānaṃ. iti vā iti evarūpāya tiracchānavijjāya micchājīvā paṭivirato samaṇo gotamo'ti. " iti vā hi bhikkhave puthujjano tathāgatassa vaṇṇaṃ vadamāno vadeyya.

pts page 011

bjt page 020

- 32. "yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpāya tiracchānavijjāya micchājīvena jīvikaṃ kappenti seyyathīdaṃ: santikammaṃ paṇidhikammaṃ bhūrikammaṃ vassakammaṃ vossakammaṃ vatthukammaṃ vatthuparikammaṃ vatthuparikammaṃ vatthuparikiraṇaṃ ācamanaṃ nahāpanaṃ juhanaṃ vamanaṃ virecanaṃ uddhavirecanaṃ adhovirecanaṃ sīsavirecanaṃ kaṇṇatelaṃ nettatappanaṃ natthukammaṃ añjanaṃ paccañjanaṃ sālākiyaṃ sallakattiyaṃ dārakatikicchā mūlabhesajjānaṃ anuppadānaṃ osadhīnaṃ paṭimokkho. iti vā iti evarūpāya tiracchānavijjāya micchājīvā paṭivirato samaṇo gotamo'ti. "iti vā hi bhikkhave puthujjano tathāgatassa vaṇṇaṃ vadamāno vadeyya.
- **33.** idam kho tam bhikkhave appamattakam oramattakam sīlamattakam yena puthujjano tathāgatassa vaņņam vadamāno vadeyya.
- 34. atthi bhikkhave aññeva dhammā gambhīrā duddasā duranubodhā santā paṇītā atakkāvacarā nipuṇā paṇḍitavedanīyā, ye tathāgato sayaṃ abhiññā sacchikatvā pavedeti yehi tathāgatassa yathābhuccaṃ vaṇṇaṃ sammā vadamānā vadeyyuṃ. katame ca te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇḍitavedanīyā ye tathāgato sayaṃ abhiññā sacchikatvā pavedeti yehi tathāgatassa yathābhuccaṃ vaṇṇaṃ sammā vadamānā va-

deyyum?

- 35. santi bhikkhave eke samaṇabrāhmaṇā pubbanta-kappikā pubbantānudiṭṭhino pubbantaṃ ārabbha ane-kavihitāni adhivuttipadāni abhivadanti aṭṭhādasahi vat-thūhi. te ca bhonto samaṇabrāhmaṇā kimāgamma ki-mārabbha pubbantakappikā pubbantānudiṭṭhino pubbantaṃ ārabbha anekavihitāni adhivuttipadāni abhivadanti aṭṭhārasahi vatthūhi?
- 36. santi bhikkhave eke samaṇabrāhmaṇā sassatavādā sassataṃ attānañca lokañca paññāpenti catūhi vatthūhi. te ca bhonto samaṇabrāhmaṇā kimāgamma kimārabbha sassatavādā sassataṃ attānañca lokañca paññāpenti catūhi vatthūhi?
- 37. idha bhikkhave ekacco samaņo vā brāhmaņo vā ātappamanvāya padhānamanvāya anuyogamanvāya appamādamanvāya sammāmanasikāramanvāya tathārūpam cetosamādhim phusati yathā samāhite citte anekavihitam pubbenivāsam anussarati, seyyathīdam: ekampi jātim dvepi jātiyo tissopi jātiyo catassopi jātiyo pañcapi jātiyo dasapi jātiyo vīsatimpi jātiyo timsampi jātiyo cattārīsampi jātiyo pañnāsampi jātiyo jātisatampi jātisahassampi jātisatasahassampi anekānipi jātisatāni anekānipi jātisahassāni amutrāsim evannāmo evangotto evamvaņņo evamāhāro

pts page 013

evamsukhadukkhapatisamvedī evamāyupariyanto. so tato cuto amutra upapādim tatrāpāsim evannāmo evangotto evamvanno evamāhāro evamsukhadukkhapatisamvedī evamāyupariyanto. so tato cuto idhūpapanno'ti." iti sākāram sauddesam anekavihitam pubbenivāsam anussarati, so evamāha: 'sassato attā ca loko ca vañiho kūtattho esikatthāvitthito. teva sattā sandhāvanti samsaranti cavanti upapajjanti, atthitveva sassatisamam. tam kissa hetu? aham hi ātappamanvāya padhānamanvāva anuvogamanvāva appamādamanvāva sammāmanasikāramanvāya tathārūpam cetosamādhim phusāmi yathā samāhite citte anekavihitam pubbenivāsam anussarāmi, seyyathīdam: ekampi jātim dvepi jātiyo tissopi jātiyo catassopi jātiyo pañcapi jātiyo dasapi jātiyo vīsatimpi jātiyo timsampi jātiyo cattārīsampi jātiyo paññāsampi jātiyo jātisatampi jātisahassampi jātisatasahassampi anekānipi jātisatāni anekānipi jātisahassāni anekānipi jātisatasahassāni amutrāsim evannāmo evangotto evamvanno evamāhāro evamsukhadukkhapatisamvedī evamāvuparivanto, so tato cuto amutra upapādim tatrāpāsim evannāmo evangotto evamvanno evamāhāro evamsukhadukkhapatisamvedī evamāvuparivanto, so tato cuto idhūpapanno'ti, iti sākāram sauddesam anekavihitam pubbenivāsam anussarāmi. imināmaham etam jānāmi: yathā sassato attā ca loko ca vañjho kūtattho esikatthāyitthito. teva sattā sandhāvanti samsaranti cavanti upapajjanti atthitveva sassatisama"nti. idam bhikkhave pathamam thanam yam āgamma yam ārabbha eke samanabrāhmanā sassatavādā sassatam attānanca lokanca pannāpenti.

dutiye ca bhonto samanabrāhmaņā kimāgamma kimārabbha sassatavādā sassatam attānañca lokañca paññapenti? idha bhikkhave ekacco samano va brahmano vā ātappamanvāya padhānamanvāya anuyogamanyāva appamādamanyāva sammāmanasikāramanyāva tathārūpam cetosamādhim phusati yathā samāhite citte anekavihitam pubbenivāsam anussarati, sevyathīdam: ekampi samvattavivattam dvepi samvattavivattāni tīnipi samvattavivattāni cattāripi samvattavivattāni pañcapi samvattavivattāni dasapi samvattavivattāni amutrāsim evannāmo evangotto evamvanņo evamāhāro evamsukhadukkhapatisamvedī evamāvuparivanto. so tato cuto amutra upapādim tatrāpāsim evannāmo evangotto evamvanno evamāhāro evamsukhadukkhapatisaṃvedī evamāyupariyanto. so tato cuto idhūpapanno'ti. iti sākāram sauddesam anekavihitam pubbenivāsam anussarati, so evamāha: 'sassato attā ca loko ca vañiho kutattho esikatthavitthito, teva satta sandhavanti samsaranti cavanti upapajjanti atthitveva sassatisamam. tam kissa hetu? aham hi ātappamanvāya padhānamanvāya anuyogamanvāya appamādamanvāya sammāmanasikāramanvāva tathārūpam cetosamādhim phusāmi yathā samāhite citte anekavihitam pubbenivāsam anussarāmi, seyyathīdam: ekampi samvattavivattam dvepi samvattavivattāni tīnipi samvattavivattāni cattāripi samvattavivattāni pañcapi samvattavivattāni dasapi samvattavivattāni amutrāsim evannāmo evangotto evam-

bjt page 24

vaṇṇo evamāhāro evaṃsukhadukhapaṭisaṃvedī evamāyupariyanto. so tato cuto amutra upapādiṃ tatrāpāsiṃ evannāmo evaṅgotto evaṃvaṇṇo evamāhāro evaṃsukhadukhapaṭisaṃvedī evamāyupariyanto. so tato cuto idhūpapanno'ti. " iti sākāraṃ sauddesaṃ anekavihitaṃ pubbenivāsaṃ anussarāmi. iminā'pāhaṃ etaṃ jānāmi yathā sassato attā ca loko ca vañjho kuṭaṭṭho esikaṭṭhāyiṭṭhito. teva sattā sandhāvanti saṃsaranti cavanti upapajjanti. atthitveva sassatisamaṃ'ti." idaṃ bhikkhave dutiyaṃ ṭhānaṃ yaṃ āgamma yaṃ ārabbha eke samaṇabrāhmaṇā sassatavādā sassatā attānañca lokañca paññāpenti.

39. tative ca bhonto samanabrāhmanā kimāgamma kimārabbha sassatavādā sassatam attānañca lokañca paññāpenti? idha bhikkhave ekacco samaņo vā brāhmano vā ātappamanvāya padhānamanvāya anuyogamanyāya appamādamanyāya sammāmanasikāramanyāya tathārūpam cetosamādhim phusati vathā samāhite citte anekavihitam pubbenivāsam anussarati, seyyathīdam: dasapi samvattavivattāni vīsatimpi samvattavivattāni timsampi samvattavivattāni cattārīsampi samvattavivattāni amutrāsim evannāmo evangotto evamvanno evamāhāro evamsukhadukkhapatisamvedī evamāvupariyanto. so tato cuto amutra upapādim tatrāpāsim evannāmo evangotto evamvanno evamāhāro evamsukhadukkhapatisamvedī evamāvuparivanto, so tato cuto idhūpapanno'ti. iti sākāram sauddesam anekavihitam pubbenivāsam anussarati, so evamāha: "sassato attā

pts page 015

ca loko ca vañjho kūtattho esikatthāyitthito. teva sattā sandhāvanti samsaranti cavanti upapajjanti atthitveva sassatisamam, tam kissa hetu? aham hi ātappamanvāya padhānamanvāya anuvogamanvāya appamādamanyāya sammāmanasikāramanyāya tathārūpam cetosamādhim phusāmi vathā samāhite citte anekavihitam pubbenivāsam anussarāmi, seyyathīdam: dasapi samvattavivattāni vīsatimpi samvattavivattāni timsampi samvattavivattāni cattārīsampi samvattavivattāni amutrāsim evannāmo evangotto evamvanno evamāhāro evamsukhadukkhapatisamvedī evamāvuparivanto. so tato cuto amutra upapādim tatrāpāsim evannāmo evangotto evamvanno evamāhāro evamsukhadukkhapatisamvedī evamāyupariyanto. so tato cuto idhūpapanno'ti. iti sākāram sauddesam anekavihitam pubbenivāsam anussarāmi. iminā maham etam jānāmi. yathā sassato attā ca loko ca vañjho kūtattho esikatthāyitthito teva sattā sandhāvanti samsaranti cavanti upapajjanti atthitveva sassatisamam'ti." idam bhikkhave tatiyam thānam vam āgamma vam ārabbha eke samanabrāhmanā sassatavādā sassatam attānam ca lokam ca paññāpenti.

40. catutthe ca bhonto samaṇabrāhmaṇā kimāgamma kimārabbha sassatavādā sassataṃ attānañca lokañca paññāpenti? idha bhikkhave ekacco samaṇo vā brāhmaṇo vā takkī hoti vīmaṃsī. so takkapariyāhataṃ vīmaṃsānucaritaṃ sayampaṭibhānaṃ evamāha: 'sassato attā ca loko ca vañjho kūṭaṭṭho esikaṭṭhāyiṭṭhito.

bjt page 26

teva sattā sandhāvanti saṃsaranti cavanti upapajjanti atthitveva sassatisamanti. idaṃ bhikkhave catutthaṃ ṭhānaṃ yaṃ āgamma yaṃ ārabbha eke samaṇabrāhmaṇā sassatavādā sassataṃ attānaṃ ca lokaṃ ca paññāpenti.

- 41. imehi kho te bhikkhave samaṇabrāhmaṇā sassatavādā sassataṃ attānañca lokañca paññāpenti catūhi vatthūhi. ye hi keci bhikkhave samaṇā vā brāhmaṇā vā sassatavādā sassataṃ attānañca lokañca paññāpenti, sabbe te imeheva catūhi etesaṃ vā aññatarena natthi ito bahiddhā.
- 42. tayidam bhikkhave tathāgato pajānāti: 'ime kho diṭṭhiṭṭhānā evaṃgahitā evaṃparāmaṭṭhā evaṃgatikā bhavissanti evaṃabhisamparāyā'ti. tañca tathāgato pajānāti tato ca uttaritaram pajānāti. tam ca pajānanam na parāmasati. aparāmasato cassa paccattaññeva nibbuti viditā. vedanānam samudayañca atthagamañca assādañca ādīnavañca nissaraṇañca yathābhūtam viditvā anupādā vimutto bhikkhave tathāgato.
- **43.** ime kho te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇḍitavedanīyā ye tathāgato sayaṃ abhiññā sacchikatvā pavedeti yehi tathāgatassa yathābhuccaṃ vaṇṇaṃ sammā vadamānā vadeyyum.

- 44. santi bhikkhave eke samaṇabrāhmaṇā ekaccasassatikā ekaccasassatikā ekaccaṃ sassataṃ ekaccaṃ asassataṃ attānañca lokañca paññāpenti catūhi vatthūhi. te ca bhonto samaṇabrāhmaṇā kimāgamma kimārabbha ekaccasassatikā ekaccam sassataṃ ekaccaṃ asassataṃ attānañca lokañca paññāpenti catūhi vatthūhi. ?
- hoti kho so bhikkhave samayo yam kadāci karahaci dighassa addhuno accayena ayam loko samvattati. samvattamāne loke yebhuyyena sattā ābhassarasamvattanikā honti. te tattha honti manomayā pītibhakkhā sayampabhā antalikkhacarā subhatthāyino ciram dīghamaddhānam titthanti. hoti kho so bhikkhave samayo yam kadāci karahaci dīghassa addhuno accayena ayam loko vivattati. vivattamāne loke suññam brahmavimānam pātubhavati. athaññataro satto āyukkhayā vā puññakkhayā vā ābhassarakāyā cavitvā suññam brahmavimānam upapajiati. so tattha hoti manomayo pitibhakkho sayampabho antalikkhacaro subhatthāyī ciram dīghamaddhānam titthati. tassa tattha ekakassa digharattam nibbusitatta anabhirati paritassanā uppajjati: 'aho vata aññe'pi sattā itthattam āgaccheyyunti'. atha aññatare'pi sattā āyukkhayā vā puññakkhayā vā ābhassarakāyā cavitvā brahmavimānam upapajjanti tassa sattassa sahavyatam. te'pi tattha honti manomayā pītibhakkhā sayampabhā antalikkhacarā subhatthāyino ciram dīghamaddhānam titthanti. tatra bhikkhave yo so satto pathamam upa-

bjt page 30

panno tassa evam hoti: 'ahamasmi brahmā mahābrahmā abhibhū anabhibhūto aññadatthudaso vasavattī issaro kattā nimmātā seṭṭho sajitā vasī pitā bhūtabhavyānam. mayā ime sattā nimmitā. tam kissa hetu? mamam hi pubbe etadahosi: aho vata aññe'pi sattā itthattam āgaccheyyunti. iti mamañca⁷ manopaṇidhi. ime ca sattā itthattam āgatā'ti. ye'pi te sattā pacchā upapannā⁸ tesampi evam hoti: ayam kho bhavam brahmā mahābrahmā abhibhū anabhibhūto aññadatthudaso vasavattī issaro kattā nimmātā seṭṭho sajitā vasī pitā bhūtabhavyānam. iminā mayam bhotā brahmuṇā nimmitā. tam kissa hetu? mamam hi mayam addasāma idha paṭhamam upapannam. mayam panamhā pacchā upapannā'ti.

46. tatra bhikkhave yo so satto paṭhamaṃ upapanno, so dīghāyukataro ca hoti vaṇṇavantataro ca mahesakkhataro ca. ye pana te sattā pacchā upapannā, te appāyukatarā ca honti dubbaṇṇatarā ca appesakkhatarā ca. ṭhānaṃ kho panetaṃ bhikkhave vijjati yaṃ aññataro satto tamhā kāyā cavitvā itthattaṃ āgacchati. itthattaṃ āgato samāno agārasmā anagāriyaṃ pabbajati. agārasmā anagāriyaṃ pabbajito samāno ātappamanvāya padhānamanvāya anuyogamanvāya appamādamanvāya sammāmanasikāramanvāya tathārūpaṃ cetosamādhiṃ phusati yathā samāhite citte taṃ pubbenivāsam anussarati, tato param nānussarati. so eva-

⁷mama ca. machasam.

⁸upapannā. sī mu. 1.

bjt page 32

māha: 'yo kho so bhavam brahmā mahābrahmā abhibhū anabhibhūto aññadatthudaso vasavattī issaro kattā nimmātā seṭṭho sajitā vasī pitā bhūtabhavyānam, yena mayam bhotā brahmuṇā nimmitā, so nicco dhuvo sassato avipariṇāmadhammo sassatisamam tatheva ṭhassati. ye pana mayam ahumhā tena bhotā brahmuṇā nimmitā, te mayam aniccā addhuvā appāyukā cavanadhammā itthattam āgatā'ti. idam bhikkhave paṭhamam ṭhānam yam āgamma yam ārabbha eke samaṇabrāhmaṇā ekaccasassatikā ekaccam sassatam ekaccam asassatam attānañca lokañca paññāpenti.

47. dutive ca bhonto samanabrāhmanā kimāgamma kimārabbha ekaccasassatikā ekaccaasassatikā ekaccam sassatam ekaccam asassatam attānañca lokañca paññāpenti? santi bhikkhave khiddāpadosikā nāma devā. te ativelam hassakhiddāratidhammasamāpannā viharanti. tesam ativelam hassakhiddaratidhammasamāpannānam viharatam sati mussati. sativā sammosā te devā tamhā kāyā cavanti. thānam kho panetam bhikkhave vijjati yam aññataro satto tamhā kāyā cavitvā itthattam āgacchati. itthattam āgato samāno agārasmā anagāriyam pabbajati. agārasmā anagāriyam pabbajito samāno ātappamanvāya padhānamanvāya anuyogamanvaya appamadamanvaya sammamanasikāramanvāva tathārūpam cetosamādhim phusati vathāsamāhite citte tam pubbenivāsam anussarati, tato param nānussarati. so evamāha: ye kho te bhonto

devā na khiḍḍāpadosikā, te na ativelaṃ hassakhiḍḍāratidhammasamāpannā viharanti. tesaṃ na ativelaṃ hassakhiḍḍāratidhammasamāpannānaṃ viharataṃ sati na mussati. satiyā asammosā te devā tamhā kāyā na cavanti, niccā dhuvā sassatā avipariṇāmadhammā sassatisamaṃ tatheva ṭhassati. ye pana mayaṃ ahumbha khiḍḍāpadosikā, te mayaṃ ativelaṃ hassakhiḍḍāratidhammasamāpannā viharimbha. tesaṃ no ativelaṃ hassakhiḍḍāratidhammasamāpannānaṃ viharataṃ sati mussi. satiyā sammosā evaṃ mayaṃ tambhā kāyā cutā aniccā addhuvā appāyukā cavanadhammā itthattaṃ āgatā'ti. idaṃ bhikkhave dutiyaṃ ṭhānaṃ yaṃ āgamma yaṃ ārabbha eke samaṇa brāhmaṇā ekaccasassatikā ekaccasassatikā ekaccaṃ sassataṃ ekaccaṃ asassataṃ attānañca lokañca paññāpenti.

48. tatiye ca bhonto samaṇabrāhmaṇā kimāgamma kimārabbha ekaccasassatikā ekaccasassatikā ekaccam sassatam ekaccam asassatam attānañca lokañca paññāpenti? santi bhikkhave manopadāsikā nāma devā. te ativelam aññamaññam upanijjhāyanti. te ativelam aññamaññam upanijjhāyantā aññamaññamhi cittāni padūsenti. te aññamaññamhi paduṭṭhacittā kilantakāyā kilantacittā. te devā tamhā kāyā cavanti. ṭhānam kho bhikkhave vijjati yam aññataro satto tamhā kāyā cavitvā itthattam āgacchati. itthattam āgato samāno agārasmā anagāriyam pabbajati. agārasmā anagāriyam pabbajito samāno ātappamanvāya padhānamanvāya anuyogamanvāya appamādamanvāya sammā-

pts page 020

manasikāramanvāya tathārūpam cetosamādhim phusati yathāsamāhite citte tam pubbenivāsam anussarati tato param nānussarati. so evamāha: ye kho te bhonto devā na manopadosikā, te na ativelam aññamaññam upanijjhāyanti. te na ativelam aññamaññam upanijjhāvantā aññamaññamhi appadutthacittā akilantakāyā akilantacittā. te devā tamhā kāyā na cavanti niccā dhuvā sassatā aviparināmadhammā sassatisamam tatheva thassanti. ye pana mayam ahumha manopadosikā, te mayam ativelam aññamaññam upanijjhāyimha. te mayam ativelam aññamaññam upanijjhāyantā aññamaññamhi⁹ cittāni padūsimha. te mayam aññamaññamhi padutthacittā kilantakāyā kilantacittā evam tamhā kāyā cutā aniccā addhuvā appāyukā cavanadhammā itthattam āgatā'ti. idam bhikkhave tatiyam thanam yam agamma yam arabbha eke samanabrāhmanā ekaccasassatikā ekaccaasassatikā ekaccam sassatam ekaccam asassatam attānañca lokañca paññāpenti.

49. catutthe ca bhonto samaṇabrāhmaṇā kimāgamma kimārabbha ekaccasassatikā ekacca asassatikā ekaccam sassatam ekaccam asassatam attatāṇañca lokañca paññāpenti? idha bhikkhave ekacco samaṇo vā brāhmaṇo vā takkī hoti vīmaṃsī. so takkapariyāhatam vimaṃsānucaritam sayampaṭibhānam evamāham: yam kho idam vuccati cakkhunti'pi sotanti'pi ghāṇaṃ'ti'pi kāyo'ti'pi, ayam attā anicco addhuvo asassato vipari-

⁹aññamaññaṃ. sīmu. pts page 021

nāmadhammo. yam ca kho idam vuccati cittanti vā mano'ti vā viññāṇanti vā ayam attā nicco dhuvo sassato avipariṇāmadhammo sassatisamam tatheva ṭhassatī ti. idam bhikkhave catuttham ṭhānam yam āgamma yam ārabbha eke samaṇabrāhmaṇā ekaccasassatikā ekaccam sassatam ekaccam asassatam attānañca lokañca paññāpenti.

- 50. ime hi kho te bhikkhave samaṇabrāhmaṇā ekac-casassatikā ekaccaasassatikā ekaccaṃ sassataṃ ekac-caṃ asassataṃ attānañca lokañca paññāpenti catūhi vatthūhi. ye hi keci bhikkhave samaṇā vā brāhmaṇā vā ekaccasassatikā ekaccaasassatikā ekaccaṃ sassataṃ ekaccaṃ asassataṃ attānañca lokañca paññāpenti, sabbe te imeheva catūhi vatthūhi, etesaṃ vā aññatarena, natthi ito bahiddhā.
- 51. tayidam bhikkhave tathāgato pajānāti: "ime diṭṭhiṭṭhānā evam gahitā evam parāmaṭṭhā evamgatikā bhavissanti evam abhisamparāyā"ti. tam ca tathāgato pajānāti. tato ca uttaritaram pajānāti. tam ca pajānanam na parāmasati. aparāmasato cassa paccattamyeva nibbuti viditā. vedanānam samudayanca atthagamanca assādanca ādīnanca nissaraṇanca yathābhūtam viditvā anupādā vimutto bhikkhave tathāgato.

bjt page 38

- **52.** ime kho te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇḍitavedanīyā ye tathāgato sayaṃ abhiññā sacchikatvā pavedeti yehi tathāgatassa yathābhuccaṃ vaṇṇaṃ sammā vadamānā vadeyyuṃ.
- 53. santi bhikkhave eke samaṇabrāhmaṇā antānantikā antānantaṃ lokassa paññāpenti catūhi vatthūhi. te ca bhonto samaṇabrāhmaṇā kimāgamma kimārabbha antānantikā antānantaṃ lokassa paññāpenti catūhi vatthūhi?
- 54. idha bhikkhave ekacco samaṇo vā brāhmaṇo vā ātappamanvāya padhānamanvāya anuyogamanvāya appamādamanvāya sammāmanasikāramanvāya tathārūpaṃ cetosamādhiṃ phusati yathāsamāhite citte antasaññī lokasmiṃ viharati. so evamāha: "antavā ayaṃ loko parivaṭumo. tiṃ kissa hetu? ahaṃ hi ātappamanvāya padhānamanvāya anuyogamanvāya appamādamanvāya sammāmanasikāramanvāya tathārūpaṃ cetosamādhiṃ phusāmi yathā samāhite citte antasaññī lokasmiṃ viharāmi. iminā mahaṃ etaṃ jānāmi: yathā antavā ayaṃ loko parivaṭumo"ti. idaṃ bhikkhave paṭhamaṃ ṭhānaṃ yaṃ āgamma yaṃ ārabbha eke samaṇabrāhmaṇā antānantikā antānantaṃ lokassa paññāpenti.

bjt page 40

- dutive ca bhonto samanabrāhmanā kimāgamma kimārabbha antānantikā antānantam lokassa paññāpenti? idhe bhikkhave ekacco samano vā brāhmano vā ātappamanvāya padhānamanvāya anuyogamanvāya appamādamanvāya sammāmanasikāramanvāya tathārūpam cetosamādhim phusati vathā samāhite citte anantasaññī lokasmim viharati. so evamāha: "ananto ayam loko apariyanto. ye te samanabrāhmanā evamāhamsu: antavā ayam loko parivatumo'ti, tesam musā. ananto ayam loko apariyanto, tam kissa hetu? aham hi ātappamanvāya padhānamanvāya anuyogamanvāya appamādamanvāva sammāmanasikāramanvāya tathārūpam cetosamādhim phusāmi yathāsamāhite citte antasaññī lokasmim viharāmi. imināmaham etam jānāmi yathā ananto ayam loko apariyanto'ti." idam bhikkhave dutiyam thanam yam agamma yam arabbha eke samanabrāhmanā antānantikā antānantam lokassa paññāpenti.
- 56. tatiye ca bhonto samaṇabrāhmaṇā kimāgamma kimārabbha antānantikā antānantaṃ lokassa paññāpenti? idha bhikkhave ekacco samaṇo vā brāhmaṇo vā ātappamanvāya padhānamanvāya anuyogamanvāya appamādamanvāya sammāmanasikāramanvāya tathārūpaṃ cetosamādhiṃ phusati yathā samāhite citte uddhamadho antasaññī lokasmiṃ viharati tiriyaṃ anattasaññī. so evamāha: "antavā ca ayaṃ loko ananto ca. ye te samaṇabrāhmaṇā evamāhaṃsu: 'antavā ayaṃ loko parivaṭumo'ti, tesaṃ musā. ye'pi te samaṇabrāhmaṇā evamāhaṃsu: 'ananto ayaṃ loko apariyanto'ti,

tesampi musā. antavā ca ayam loko ananto ca. tam kissa hetu? aham hi ātappamanvāya padhānamanvāya anuyogamanvāya appamādamanvāya sammāmanasi-kāramanvāya tathārūpam cetosamādhim phusāmi yathā samāhite citte uddhamadho antasaññī lokasmim viharāmi tiriyam anantasaññī. imināmaham etam jānāmi: yathā antavā ca ayam loko ananto" cāti. idam bhikkhave tatiyam ṭhānam yam āgamma yam ārabbha eke samaṇabrāhmaṇā antānantikā antānantam lokassa paññāpenti.

57. catutthe ca bhonto samaṇabrāhmaṇā kimāgamma kimārabbha antānantikā antānantaṃ lokassa paññāpenti? idha bhikkhave ekacco samaṇo vā brāhmaṇo vā takkī hoti vīmaṃsī. so takkapariyāhataṃ vīmaṃsānucaritaṃ sayampaṭibhānaṃ evamāha: "nevāyaṃ loko antavā na panānanto. ye te samaṇabrāhmaṇā evamāhaṃsu: 'antavā ayaṃ loko parivaṭumo'ti, tesaṃ musā. ye'pi te samaṇabrāhmaṇā evamāhaṃsu: 'ananto ayaṃ loko apariyanto'ti, tesampi musā. ye'pi te samaṇabrāhmaṇā evamāhaṃsu: 'antavā ca ayaṃ loko ananto cā'ti tesampi musā. nevāyaṃ loko antavā na panānanto"ti. idaṃ bhikkhave catutthaṃ ṭhānaṃ yaṃ āgamma yaṃ ārabbha eke samaṇabrāhmaṇā antānantikā antānantaṃ lokassa paññāpenti.

58. imehi kho te bhikkhave samaṇabrāhmaṇā antānantikā antānantaṃ lokassa paññāpenti catūhi vatthūhi.

pts page 023 pts page 024

ye hi keci bhikkhave samaṇā vā brāhmaṇā vā antānantikā antānantaṃ lokassa paññāpenti, sabbe te imeheva catūhi vatthūhi, etesaṃ vā aññatarena. natthi ito bahiddhā.

- 59. tayidam bhikkhave tathāgato pajānāti: "ime diṭṭhiṭṭhānā evam gahitā evam parāmaṭṭhā evamgatikā bhavissanti evam abhisamparāyā"ti. tañca tathāgato pajānāti, tato ca uttaritaram pajānāti. tañca pajānanam na parāmasati. aparāmasato cassa paccattaññeva nibbuti viditā. vedanānam samudayañca atthagamañca assādañca ādīnavañca nissaraṇañca yathābhūtam viditvā anupādā vimutto bhikkhave tathāgato.
- **60.** ime kho te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇḍitavedanīyā ye tathāgato sayaṃ abhiññā sacchikatvā pavedeti yehi tathāgatassa yathābhuccaṃ vaṇṇaṃ sammā vadamānā vadeyyuṃ.
- 61. santi bhikkhave eke samaṇabrāhmaṇā amarāvikkhepikā tattha tattha pañhaṃ puṭṭhaṃ samānā vācāvikkhepaṃ āpajjanti amarāvikkhepaṃ catūhi vatthūhi. te ca bhonto samaṇabrāhmaṇā kimāgamma kimārabbha amarāvikkhepikā tattha tattha pañhaṃ puṭṭhā samānā vācāvikkhepaṃ āpajjanti amarāvikkhepaṃ catūhi vatthūhi?

bit page 44

- 62. idha bhikkhave ekacco samano vā brāhmano vā idam kusala'nti yathābhūtam nappajānāti. idam akusala'nti vathābhūtam nappajānāti, tassa evam hoti: "aham kho idam kusala'nti yathābhūtam nappajānāmi. idam akusala'nti yathābhūtam nappajānāmi. ahañceva kho pana idam kusala'nti yathābhūtam nappajānanto, idam akusala'nti yathābhūtam nappajānanto, idam kusala'nti vā vyākareyyam, idam akusala'nti vā vyākareyyam, tattha me assa chando vā rāgo vā doso vā patigho vā. yattha me assa chando vā rāgo vā doso vā patigho vā. tam mamassa musā. vam mamassa musā, so mamassa vighāto. yo mamassa vighāto, so mamassa antarāyo"ti. iti so musāvādabhayā musāvādaparijegucchā nevidam kusala'nti vyākaroti. na panidam akusala'nti vyākaroti. tattha tattha pañham puttho samāno vācāvikkhepam āpajjati amarāvikkhepam: "evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no"ti. idam bhikkhave pathamam thanam yam agamma yam arabbha eke samanabrāhmanā amarāvikkhepikā tattha tattha pañham putthā samānā vācāvikkhepam āpajjanti amarāvikkhepam.
- 63. dutiye ca bhonto samaṇabrāhmaṇā kimāgamma kimārabbha amarāvikkhepikā tattha tattha pañhaṃ puṭṭhā samānā vācāvikkhepaṃ āpajjanti amarāvikkhepaṃ? idha bhikkhave ekacco samaṇo vā brāhmaṇo vā idaṃ kusala'nti yathābhūtaṃ nappajānāti. idaṃ akusala'nti yathābhūtaṃ nappajānāti. tassa evaṃ hoti:

"aham kho idam kusala'nti yathābhūtam nappajānāmi. idam akusala'nti yathābhūtam nappajānāmi. ahañceva kho pana idam kusala'nti yathābhūtam nappajānanto, idam akusala'nti yathābhūtam nappajānanto, idam kusala'nti vā vyākareyyam, idam akusala'nti vā vyākarevvam, tattha me assa chando vā rāgo vā doso vā patigho vā. yattha me assa chando vā rāgo vā doso vā patigho vā. tam mamassa upādānam. yam mamassa upādānam, so mamassa vighāto. yo mamassa vighāto, so mamassa antarāvo"ti. iti so upādānabhavā upādānaparijegucchā nevidam kusala'nti vyākaroti. na panidam akusala'nti vyākaroti. tattha tattha pañham puttho samāno vācāvikkhepam āpajjati amarāvikkhepam: "evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no"ti. idam bhikkhave dutiyam thanam yam agamma yam arabbha eke samanabrāhmanā amarāvikkhepikā tattha tattha pañham putthā samānā vācāvikkhepam āpajjanti amarāvikkhepam.

64. tatiye ca bhonto samaṇabrāhmaṇā kimāgamma kimārabbha amarāvikkhepikā tattha tattha pañhaṃ puṭṭhā samānā vācāvikkhepaṃ āpajjanti amarāvikkhepaṃ? idha bhikkhave ekacco samaṇo vā brāhmaṇo vā idaṃ kusala'nti yathābhūtaṃ nappajānāti. idaṃ akusala'nti yathābhūtaṃ nappajānāti. tassa evaṃ hoti: "ahaṃ kho idaṃ kusala'nti yathābhūtaṃ nappajānāmi. idaṃ akusala'nti yathābhūtaṃ nappajānāmi. ahañceva kho pana idam kusala'nti yathābhūtam nappajānanto,

bjt page 46

idam akusala'nti yathābhūtam nappajānanto, idam kusala'nti vā vyākareyyam, idam akusala'nti vā vyākareyyam, santi hi kho pana samanabrāhmanā panditā nipunā kataparappavādā vālavedhirūpā vobhindantā maññe caranti paññāgatena ditthigatāni, te mam tattha samanuvuñievvum samanugāhevvum samanubhāseyyum, tesāham na sampāyeyyam. yesāham na sampāyeyyam, so mamassa vighāto. yo mamassa vighāto, so mamassa antarāyo"ti. iti so anuyogabhayā anuyogaparijegucchā nevidam kusala'nti vyākaroti. na panidam akusala'nti vyākaroti. tattha tattha pañham puttho samāno vācāvikkhepam āpajjati amarāvikkhepam: "evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no"ti. idam bhikkhave tativam thanam vam agamma vam arabbha eke samanabrāhmanā amarāvikkhepikā tattha tattha pañham putthā samānā vācāvikkhepam āpajjanti amarāvikkhepam.

65. catutthe ca bhonto samaṇabrāhmaṇā kimāgamma kimārabbha amarāvikkhepikā tattha tattha pañhaṃ puṭṭhā samānā vācāvikkhepaṃ āpajjanti amarāvikkhepaṃ? idha bhikkhave ekacco samaṇo vā brāhmaṇo vā mando hoti momuho. so mandattā momuhattā tattha tattha pañhaṃ puṭṭho samāno vācāvikkhepaṃ āpajjati amarāvikkhepaṃ: "atthi paro loko'ti iti ce maṃ pucchasi, atthi paro loko'ti iti ce me assa, atthi paro loko'ti iti te naṃ vyākareyyaṃ. evampi me no. tathā'ti'pi me no. aññathā'ti'pi me no. no'ti'pi me no.

no no'ti'pi me no. natthi paro loko'ti? iti ce mam pucchasi, natthi paro loko'ti iti ce me assa, natthi paro loko'ti iti te nam vyākareyyam. evampi me no. tathā'ti'pi me no. aññathā'ti'pi me no. no'ti'pi me no. no'ti'pi me no. no no'ti'pi me no. atthi ca natthi ca paro loko? iti ce mam pucchasi, atthi ca natthi ca paro loko'ti iti ce me assa, atthi ca natthi ca paro loko'ti iti te nam vyākareyyam. evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no. "atthi sattā opapātikā? iti ce mam pucachasi, atthi sattā opapātikā iti ce mam assa, atthi sattā opapātikā iti te nam vyākareyyam. evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no. "natthi sattā opapātikā iti ce mam pucchasi, natthi sattā opapātikā iti ce me assa, natthi satthā opapātikā iti te nam vyākareyya. evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no. "atthi ca natthi ca sattā opapātikā iti ce mam pucchasi, atthi ca natthi ca sattā opapātikā iti ce me assa, atthi ca natthi ca sattā opapātikā iti te nam vyākarevyam. evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no. nevatthi na natthi sattā opapātikā? iti ce mam pucchasi, nevatthi na natthi sattā opapātikā iti ce me assa, nevatthi na natthi sattā opapātikā iti ce nam vyākareyyam. evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no. nevatthi na natthi sattā opapātikā iti ce mam pucchasi, nevatthi na natthi sattā opapātikā iti ce me assa, nevatthi na natthi sattā opapātikā iti te nam vyākareyyam, evampi me

no. tathā'ti'pi me no. aññathā'ti'pi me no. no'ti'pi me no. no no'ti'pi me no. "atthi sukatadukkatānam kammānam phalam vipāko? iti ce mam pucchasi, atthi sukatadukkatānam kammānam phalam vipāko iti ce me assa, atthi sukatadukkatānam kammānam phalam vipāko iti te nam vyākarevvam, evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no. "natthi sukatadukkatānam kammānam phalam vipāko? iti ce mam pucchasi, natthi sukaţadukkatānam kammānam phalam vipāko iti ce me assa, natthi sukatadukkatānam kammānam phalam vipāko iti te nam vyākareyyam. evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no. "atthi ca natthi ca sukatadukkatānam kammānam phalam vipāko? iti ce mam pucchasi, atthi ca natthi ca sukatadukkatānam kammānam phalam vipāko iti ce me assa, atthi ca natthi ca sukatadukkatānam kammānam phalam vipāko iti te nam vyākareyyam. evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no. "nevatthi na natthi sukatadukkatānam kammānam phalam vipāko? iti ce mam pucchasi, nevatthi na natthi sukatadukkatānam kammānam phalam vipāko iti ce me assa, nevatthi na natthi sukatadukkaṭānam kammānam phalam vipāko iti te nam vyākareyyam. evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no. "hoti tathāgato parammaranā iti ce mam pucchasi, hoti tathaqato parammarana iti ce me assa, hoti tathaqato parammarana iti te nam vyakarevyam. evampi me no. tathā'ti'pi me no. aññathā'pi

me no. no'ti'pi me no. no no'ti'pi me no. hoti tathāgato parammaranā na hoti tathāgato parammaranā iti ce mam pucchasi, na hoti tathagato parammarana iti ce me assa, na hoti tathāgato parammaranā iti te nam vyākareyya. evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no. na hoti tathagato parammarana? hoti ca na hoti ca tathāgato parammaraṇā iti ce mam pucchasi, hoti ca na hoti ca tathāgato parammaraṇā iti ce me assa, hoti ca na hoti ca tathagato parammarana iti te nam vyakareyya. evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no. hoti ca na hoti ca tathagato parammarana? neva hoti na na hoti tathagato parammarana iti ce mam pucchasi, iti ce me assa, neva hoti na na hoti tathāgato parammaranā iti te nam vyākareyya. evampi me no. tathā'ti'pi me no. aññathā'ti'pi me no. no'ti'pi me no. no no'ti'pi me no. neva hoti na na hoti tathāgato parammaraṇā ti? iti ce mam pucchasi "neva hoti na na hoti tathagato parammaranā'ti iti ce me assa, neva hoti na na hoti tathāgato parammaranā'ti iti te nam vyākareyyam. evampi me no. tathā'ti'pi me no. aññathā'ti'pi me no. no'ti'pi me no. no no 'ti'pi me no"ti. idam bhikkhave catuttham thanam yam agamma yam arabbha eke samanabrāhmanā amarāvikkhepikā tattha tattha puṭṭhā samānā vācāvikkhepam āpajjanti amarāvikkhepam.

66. imehi kho te bhikkhave samaṇabrāhmaṇā amarāvikkhepikā tattha tattha pañhaṃ puṭṭhā samānā vācāvikkhepam āpajjanti amarāvikkhepam catūhi vatthūhi.

ye hi keci bhikkhave samaṇā vā brāhmaṇā vā amarāvikkhepikā tattha tattha pañhaṃ puṭṭhā samānā vācāvikkhepaṃ āpajjanti, amarāvikkhepaṃ, sabbe te imeheva catūhi vatthūhi, etesaṃ vā aññatarena. natthi ito bahiddhā.

- 67. tayidam bhikkhave tathāgato pajānāti: "ime diṭṭhiṭṭhānā evam gahitā evam parāmaṭṭhā evamgatikā bhavissanti evamabhisamparāyā"ti. tañca tathāgato pajānāti. tato ca uttaritaram pajānāti. tañca pajānanam na parāmasati. aparāmasato cassa paccattam yeva nibbuti viditā. vedanānam samudayañca atthagamañca assādañca ādīnavañca nissaraṇañca yathābhūtam viditvā anupādā vimutto bhikkhave tathāgato.
- 68. ime kho te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇḍitavedanīyā ye tathāgato sayaṃ abhiññā sacchikatvā pavedeti yehi tathāgatassa yathābhuccaṃ vaṇṇaṃ sammā vadamānā vadeyyuṃ.
- 69. santi bhikkhave eke samaṇabrāhmaṇā adhiccasamuppannikā adhiccasamuppannaṃ attānañca lokañca paññāpenti dvīhi vatthūhi. te ca bhonto samaṇabrāhmaṇā kimāgamma kimārabbha adhiccasamuppannikā adhiccasamuppannaṃ attānañca lokañca paññāpenti dvīhi vatthūhi?

pts page 28

- 70. santi bhikkhave asaññasattā nāma devā. saññuppādā ca pana te devā tamhā kāyā cavanti. ṭhānaṃ kho panetaṃ bhikkhave vijjati yaṃ aññataro satto tamhā kāyā cavitvā itthattaṃ āgacchati. itthattaṃ āgato samāno agārasmā anagāriyaṃ pabbajati. agārasmā anagāriyaṃ pabbajito samāno ātappamanvāya padhānamanvāya anuyogamanvāya appamādamanvāya sammāmanasikāramanvāya tathārūpaṃ cetosamādhiṃ phusati yathā samāhite citte saññuppādaṃ anussarati tato paraṃ nānussarati. so evamāha: "adhiccasamuppanno attā ca loko ca. taṃ kissa hetu? ahaṃ hi pubbe nāhosiṃ. so'mhi etarahi ahutvā santattāya¹¹⁰ pariṇato"ti. idaṃ bhikkhave paṭhamaṃ ṭhānaṃ yaṃ āgamma yaṃ ārabbha eke samaṇabrāhmaṇā adhiccasamuppannikā adhiccasamuppannaṃ attānañca lokañca paññāpenti.
- 71. dutiye ca bhonto samaṇabrāhmaṇā kimāgamma kimārabbha adhiccasamuppannikā adhiccasamuppannam attānañca lokañca paññāpenti? idha bhikkhave ekacco samaṇo vā brāhmaṇo vā takkī hoti vīmaṃsī. so takkapariyāhataṃ vīmaṃsānucaritaṃ sayampaṭibhānaṃ evamāha: "adhiccasamuppanno attā ca loko cā"ti. idaṃ bhikkhave dutiyaṃ ṭhānaṃ yaṃ āgamma yaṃ ārabbha eke samaṇabrāhmaṇā adhiccasamuppannikā adhiccasamuppannam attānañca lokañca paññāpenti.
- **72.** imehi kho te bhikkhave samaṇabrāhmaṇā adhiccasamuppannikā adhiccasamuppannaṃ attānañca lo-

¹⁰sattattāya, katthaci.

bjt page 52

kañca paññāpenti dvīhi vatthūhi. ye hi keci bhikkhave samaṇā vā brāhmaṇā vā adhiccasamuppannikā adhiccasamuppannaṃ attānañca lokañca paññāpenti, sabbe te imeheva dvīhi vatthūhi, etesaṃ vā aññatarena. natthi ito bahiddhā.

- 73. tayidam bhikkhave tathāgato pajānāti: "ime diṭṭhiṭṭhānā evam gahitā evam parāmaṭṭhā evamgatikā bhavissanti evamabhisamparāyā"ti. tañca tathāgato pajānāti. tato ca uttaritaram pajānāti. tañca pajānanam na parāmasati. aparāmasato cassa paccattam yeva nibbuti viditā. vedanānam samudayanca atthagamanca assādanca ādīnavanca nissaraṇanca yathābhūtam viditvā anupādā vimutto bhikkhave tathāgato.
- 74. ime kho te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇḍitavedanīyā ye tathāgato sayaṃ abhiññā sacchikatvā pavedeti yehi tathāgatassa yathābhuccaṃ vaṇṇaṃ sammā vadamānā vadeyyum.
- 75. imehi kho te bhikkhave samaṇabrāhmaṇā pubbantakappikā pubbantānudiṭṭhino pubbantaṃ ārabbha anekavihitāni adhivuttipadāni abhivadanti aṭṭhārasahi vatthūhi. ye hi keci bhikkhave samaṇā vā brāhmaṇā vā pubbantakappikā pubbantānudiṭṭhino pubbantaṃ ārabbha anekavihitāni adhivuttipadāni abhivadanti, sabbe

te imeheva aţţhārasahi vatthūhi, etesam vā aññatarena. natthi ito bahiddhā.

- 76. tayidam bhikkhave tathāgato pajānāti "ime diṭṭhiṭṭhānā evam gahitā evam parāmaṭṭhā evamgatikā bhavissanti evamabhisamparāyā"ti. tañca tathāgato pajānāti. tato ca uttaritaram pajānāti. tañca pajānanam na parāmasati. aparāmasato cassa paccattam yeva nibbuti viditā. vedanānam samudayanca atthagamanca assādanca ādīnavanca nissaraṇanca yathābhūtam viditvā anupādā vimutto bhikkhave tathāgato.
- 77. ime kho te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇḍitavedanīyā ye tathāgato sayaṃ abhiññā sacchikatvā pavedeti yehi tathāgatassa yathābhuccaṃ vaṇṇaṃ sammā vadamānā vadeyyuṃ.
- 78. santi bhikkhave eke samaṇabrāhmaṇā aparanta-kappikā aparantānudiṭṭhino aparantaṃ ārabbha ane-kavihitāni adhivuttipadāni abhivadanti catucattārīsāya vatthūhi. te ca bhonto samaṇabrāhmaṇā kimāgamma kimārabbha aparantakappikā aparantānudiṭṭhino aparantaṃ ārabbha anekavihitāni adhivuttipadāni abhivadanti catucattārīsāya vatthūhi?
- **79.** santi bhikkhave eke samaṇabrāhmaṇā uddhamā-ghātanikā saññivādā uddhamāghātanā saññiṃ attānaṃ

bit page 54

paññāpenti soļasahi vatthūhi. te ca bhonto samaņabrāhmaṇā kimāgamma kimārabbha uddhamāghātanika saññivādā uddhamāghātanā saññim attānam paññāpenti soļasahi vatthūhi?

80. rūpī attā hoti arogo parammaranā saññīti nam paññapenti. arūpī attā hoti arogo parammaraņā saññīti nam paññāpenti. rūpī ca arūpī ca attā hoti arogo parammaranā saññīti nam paññāpenti. neva rūpī na rūpī attā hoti arogo parammaraņā saññīti nam paññapenti. antava atta hoti arogo parammarana saññīti nam paññāpenti. anantavā attā hoti arogo parammaranā saññīti nam paññāpenti. antavā ca anantavā ca attā hoti arogo parammaranā saññīti nam paññāpenti. nevantava ca nanantava ca atta hoti arogo parammaranā saññīti nam paññāpenti. ekattasaññī attā hoti arogo parammaranā saññīti nam paññāpenti. nānattasaññī attā hoti arogo parammaraṇā saññīti nam paññapenti. parittasaññi atta hoti arogo parammaraṇā saññīti nam paññāpenti. appamāṇasaññī attā hoti arogo parammaranā saññīti nam paññāpenti, ekantasukhī attā hoti arogo parammaraņā saññīti nam paññāpenti. ekantadukkhī attā hoti arogo parammaraṇā saññīti nam paññāpenti. sukhadukkhī attā hoti arogo parammaranā saññīti nam paññāpenti. adukkhamasukhī attā hoti arogo parammaranā saññīti nam paññāpenti.

¹¹nevantavā ca. katthaci.

bjt page 56

- 81. imehi kho te bhikkhave samaṇabrāhmaṇā uddhamāghātanikā saññivādā uddhamāghātanā saññim attānam paññāpenti soļasahi vatthūhi. ye hi keci bhikkhave samaṇā vā brāhmaṇā vā uddhamāghātanikā saññivādā uddhamāghātanā saññim attānam paññāpenti sabbe te imeheva soļasahi vatthūhi, etesam vā aññatarena. natthi ito bahiddhā.
- 82. tayidam bhikkhave tathāgato pajānāti "ime diţthiţthānā evam gahitā evam parāmaţthā evamgatikā bhavissanti evamabhisamparāyā"ti. tañca tathāgato pajānāti tato ca uttaritaram pajānāti. tañca pajānanam na parāmasati. aparāmasato cassa paccattaññeva nibbuti viditā. vedanānam samudayañca atthagamañca assādañca ādīnavañca nissaraṇañca yathābhūtam viditvā anupādā vimutto bhikkhave tathāgato.
- 83. ime kho te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇ-ditavedanīyā ye tathāgato sayaṃ abhiññā sacchikatvā pavedeti yehi tathāgatassa yathābhuccaṃ vaṇṇaṃ sammā vadamānā vadeyyuṃ.
- 84. santi bhikkhave eke samaṇabrāhmaṇā uddhamāghātanikā asaññīvādā uddhamāghātanā asaññiṃ attānaṃ paññāpenti aṭṭhahi vatthūhi. te ca bhonto samaṇabrāhmaṇā kimāgamma kimārabbha uddhamāghātanikā asaññīvādā uddhamāghātanā asaññiṃ attānaṃ

paññapenti aţţhahi vatthūhi?

- 85. 'rūpī attā hoti arogo parammaraṇā asaññī'ti naṃ paññāpenti. 'arūpī attā hoti arogo parammaraṇā asaññī'ti naṃ paññāpenti. 'rūpī ca arūpī ca attā hoti arogo parammaraṇā asaññī'ti naṃ paññāpenti. 'neva rūpi nārūpī attā hoti arogo parammaraṇā asaññī'ti naṃ paññāpenti. 'antavā attā hoti arogo parammaraṇā asaññī'ti naṃ paññāpenti. 'anantavā attā hoti arogo parammaraṇā asaññī'ti naṃ paññāpenti. 'antavā ca anantavā ca attā hoti arogo parammaraṇā asaññī'ti naṃ paññāpenti. 'nevantavā nānantavā attā hoti arogo parammaraṇā asaññī'ti naṃ paññāpenti.
- **86.** imehi kho te bhikkhave samaṇabrāhmaṇā uddhamāghātanikā asaññīvādā uddhamāghātanā asaññim attānaṃ paññāpenti aṭṭhahi vatthūhi. ye hi keci bhikkhave samaṇā vā brāhmaṇā vā uddhamāghātanikā asaññivādā uddhamāghātanā asaññim attānaṃ paññāpenti, sabbe te imeheva aṭṭhahi vatthūhi, etesaṃ vā aññatarena. natthi ito bahiddhā.
- 87. tayidam bhikkhave tathāgato pajānāti: "ime diţţhiţṭhānā evam gahitā evam parāmaţṭhā evamgatikā bhavissanti evamabhisamparāyā"ti. tañca tathāgato pajānāti. tato ca uttaritaram pajānāti. tañca pajānanam na parāmasati. aparāmasato cassa paccattam

bit page 58

yeva nibbuti viditā. vedanānam samudayanca atthagamanca assādanca ādīnavanca nissaraņanca yathābhūtam viditvā anupādā vimutto bhikkhave tathāgato.

- 88. ime kho te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇ-ditavedanīyā ye tathāgato sayaṃ abhiññā sacchikatvā pavedeti yehi tathāgatassa yathābhuccaṃ vaṇṇaṃ sammā vadamānā vadeyyuṃ.
- 89. santi bhikkhave eke samaṇabrāhmaṇā uddhamāghātanikā nevasaññīnāsaññīvādā uddhamāghātanā nevasaññīnāsaññim attānam paññāpenti aṭṭhahi vatthūhi. te ca bhonto samaṇabrāhmaṇā kimāgamma kimārabbha uddhamāghātanikā nevasaññīnāsaññīvādā uddhamāghātanā nevasaññīnāsaññim attānam paññāpenti aṭṭhahi vatthūhi?
- 90. "rūpi attā hoti arogo parammaraṇā nevasaññī nāsaññī'ti naṃ paññāpenti. 'arūpī attā hoti arogo parammaraṇā nevasaññī nāsaññī'ti naṃ paññāpenti. 'rūpī ca arūpī ca attā hoti arogo parammaraṇā nevasaññī nāsaññī'ti naṃ paññāpenti. 'nevarūpī nārūpī attā hoti arogo parammaraṇā nevasaññī nāsaññī'ti naṃ paññāpenti. 'antavā attā hoti arogo parammaraṇā nevasaññī nāsaññī'ti naṃ paññāpenti. 'anantavā attā hoti arogo parammaraṇā nevasaññī nāsaññī'ti naṃ paññāpenti. 'antavā ca anantavā ca attā hoti arogo param

maraṇā nevasaññī nāsaññī'ti naṃ paññāpenti. 'nevantavā nānantavā attā hoti arogo parammaraṇā nevasaññī nāsaññī"ti naṃ paññāpenti.

- 91. imehi kho te bhikkhave samaṇabrāhmaṇā uddhamāghātanikā nevasaññīnāsaññīvādā uddhamāghātanā nevasaññīnāsaññim attānam paññāpenti aṭṭhahi vatthūhi. ye hi keci bhikkhave samaṇā vā brāhmaṇā vā uddhamāghātanikā nevasaññīnāsaññīvādā uddhamāghātanā nevasaññīnāsaññim attānam paññāpenti, sabbe te imeheva aṭṭhahi vatthūhi, etesam vā aññatarena. natthi ito bahiddhā.
- 92. tayidam bhikkhave tathāgato pajānāti: "ime diṭṭhiṭṭhānā evam gahitā evam parāmaṭṭhā evamgatikā bhavissanti evamabhisamparāyā"ti. tañca tathāgato pajānāti. tato ca uttaritaram pajānāti. tañca pajānanam na parāmasati. aparāmasato cassa paccattam yeva nibbuti viditā. vedanānam samudayañca atthagamañca assādañca ādīnavañca nissaraṇañca yathābhūtam viditvā anupādā vimutto bhikkhave tathāgato.
- 93. ime kho te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇḍitavedanīyā ye tathāgato sayaṃ abhiññā sacchikatvā pavedeti yehi tathāgatassa yathābhuccaṃ vaṇṇaṃ sammā vadamānā vadeyyum.

bit page 60

- 94. santi bhikkhave eke samaṇabrāhmaṇā ucchedavādā sato sattassa ucchedaṃ vināsaṃ vibhavaṃ paññāpenti sattahi vatthūhi. te ca bhonto samaṇabrāhmaṇā kimāgamma kimārabbha ucchedavādā sato sattassa ucchedaṃ vināsaṃ vibhavaṃ paññāpenti sattahi vatthūhi?
- 95. idha bhikkhave ekacco samaṇo vā brāhmaṇo vā evaṃvādī hoti evaṃdiṭṭhi: 'yato kho bho ayaṃ attā rūpī cātummahābhūtiko mātāpettikasambhavo kāyassa bhedā ucchijjati vinassati na hoti parammaraṇā. ettāvatā kho bho ayaṃ attā sammā samucchinno hotī'ti. ittheke sato sattassa ucchedaṃ vināsaṃ vibhavaṃ paññāpenti.
- 96. tamañño evamāha: 'atthi kho bho eso attā yaṃ tvaṃ vadesi. neso natthīti vadāmi. no ca kho bho ayaṃ attā ettāvatā sammā samucchinto hoti. atthi kho bho añño attā dibbo rūpī kāmāvacaro kabaliṅkārā¹² hārabhakkho, taṃ tvaṃ na jānāsi na passasi. tamahaṃ jānāmi passāmi. so kho bho attā yato kāyassa bhedā ucchijjati vinassati na hoti parammaraṇā. ettāvatā kho bho ayaṃ attā sammā samucchinno hotī'ti. ittheke sato sattassa ucchedaṃ vināsaṃ vibhavaṃ paññāpenti.

pts page 034

¹²kabalīkārāhāra bhakkho, machasam.

- 97. tamañño evamāha: 'atthi kho bho eso attā yaṃ tvaṃ vadesi. neso natthīti vadāmi. no ca kho bho ayaṃ attā ettāvatā sammā samucchinno hoti. atthi kho bho añño attā dibbo rūpī manomayo sabbaṅga-paccaṅgī ahīnindriyo. taṃ tvaṃ na jānāsi na passasi. tamahaṃ jānāmi passāmi. so kho bho attā yato kā-yassa bhedā ucchijjati vinassati na hoti parammaraṇā. ettāvatā kho bho ayaṃ attā sammā samucchinno hotī'ti. ittheke sato sattassa ucchedaṃ vināsaṃ vibhavaṃ pañ-ñāpenti.
- 98. tamañño evamāha: 'atthi kho bho eso attā yaṃ tvaṃ vadesi. neso natthīti vadāmi. no ca kho bho ayaṃ attā ettāvatā sammā samucchinno hoti. atthi kho bho añño attā sabbaso rūpasaññānaṃ samatikkamā paṭighasaññānaṃ atthagamā nānāttasaññānaṃ amanasikārā ananto ākāsoti ākāsānañcāyatanūpago. taṃ tvaṃ na jānāsi na passasi. tamahaṃ jānāmi passāmi. so kho bho attā yato kāyassa bhedā ucchijjati vinassati na hoti parammaraṇā. ettāvatā kho bho ayaṃ attā sammā samucchinno hotī'ti. ittheke sato sattassa ucchedaṃ vināsaṃ vibhavaṃ paññāpenti.
- 99. tamañño evamāha: 'atthi kho bho eso attā yaṃ tvaṃ vadesi. neso natthīti vadāmi. no ca kho bho ayaṃ attā ettāvatā sammā samucchinno hoti. atthi kho bho añño attā sabbaso ākāsānañcāyatanaṃ samatikkamma anantaṃ viññāṇanti viññaṇañcāyatanū-

pago. taṃ tvaṃ na jānāsi na passasi. tamahaṃ jānāmi passāmi. so kho bho attā yato kāyassa bhedā ucchijjati vinassati na hoti parammaraṇā. ettāvatā kho bho ayaṃ attā sammā samucchinno hotī'ti. ittheke sato sattassa ucchedaṃ vināsaṃ vibhavaṃ paññāpenti.

100. tamañño evamāha: 'atthi kho bho eso attā yaṃ tvaṃ vadesi. neso natthīti vadāmi. no ca kho bho ayaṃ attā ettāvatā sammā samucchinno hoti. atthi kho bho añño attā sabbaso viññāṇañcāyatanaṃ samatikkamma natthi kiñcīti ākiñcaññāyatanūpago taṃ tvaṃ na jānāsi na passasi. tamahaṃ jānāmi passāmi. so kho bho attā yato kāyassa bhedā ucchijjati vinassati na hoti parammaraṇā. ettāvatā kho bho ayaṃ attā sammā samucchinno hotī'ti. ittheke sato sattassa ucchedaṃ vināsaṃ viditvā paññāpenti.

101. tamañño evamāha: 'atthi kho bho eso attā yam tvam vadesi. neso natthīti vadāmi. no ca kho bho ayam attā ettāvatā sammā samucchinno hoti. atthi kho bho añño attā sabbaso ākiñcaññāyatanam samatikkamma santametam paṇītametanti nevasaññānāsaññāyatanūpago. tam tvam na jānāsi na passasi. tamaham jānāmi passāmi. so kho bho attā yato kāyassa bhedā ucchijjati vinassati na hoti parammaraṇā. ettāvatā kho bho ayam attā sammā samucchinno hotī'ti. ittheke sato sattassa ucchedam vināsam vibhavam paññāpenti.

bjt page 62

- 102. imehi kho te bhikkhave samaṇabrāhmaṇā ucchedavādā sato sattassa ucchedaṃ vināsaṃ vibhavaṃ paññāpenti sattahi vatthūhi. ye hi keci bhikkhave samaṇā vā brāhmaṇā vā ucchedavādā sato sattassa ucchedaṃ vināsaṃ vibhavaṃ paññāpenti, sabbe te imeheva sattahi vatthūhi, etesaṃ vā aññatarena. natthi ito bahiddhā.
- 103. tayidam bhikkhave tathāgato pajānāti: "ime diţthiţhānā evam gahitā evam parāmaţţhā evamgatikā bhavissanti evamabhisamparāyā"ti. tañca tathāgato pajānāti. tato ca uttaritaram pajānāti. tañca pajānanam na parāmasati. aparāmasato cassa paccattam yeva nibbuti viditā. vedanānam samudayanca atthagamanca assādanca ādīnavanca nissaraṇanca yathābhūtam viditvā anupādā vimutto bhikkhave tathāgato.
- 104. ime kho te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇḍitavedanīyā ye tathāgato sayaṃ abhiññā sacchikatvā pavedeti yehi tathāgatassa yathābhuccaṃ vaṇṇaṃ sammā vadamānā vadeyyuṃ.
- **105.** santi bhikkhave eke samaṇabrāhmaṇā diṭṭhadhammanibbānavādā sato sattassa paramadiṭṭhadhammanibbānaṃ paññāpenti pañcahi vatthūhi. te ca bhonto samaṇabrāhmaṇā kimāgamma kimārabbha diṭṭhadhamma

nibbānavādā sato sattassa paramadiţţhadhammanibbānaṃ paññāpenti pañcahi vatthūhi?

106. idha bhikkhave ekacco samaņo vā brāhmaņo vā evaṃvādī hoti evaṃdiṭṭhi ' yato kho bho ayaṃ attā pañcahi kāmaguṇehi samappito samaṅgibhūto paricāreti, ettāvatā kho bho ayaṃ attā paramadiṭṭhadhammanibbānaṃ patto hotī'ti. ittheke sato sattassa paramadiṭṭhadhammanibbānaṃ paññāpenti.

107. tamañño evamāha: 'atthi kho bho eso attā yam tvam vadesi. neso natthīti vadāmi. no ca kho bho ayam attā ettāvatā paramadiţṭhadhammanibbānam patto hoti tam kissa hetu? kāmā hi bho aniccā dukkhā viparināmadhammā tesam viparināmañnathābhāvā uppajjanti sokaparidevadukhadomanassupāyāsā yato kho bho ayam attā vivicceva kāmehi vivicca akusalehi dhammehi savitakkam savicāram vivekajam pītisukham paṭhamam jhānam upasampajja viharati. ettāvatā kho bho ayam attā paramadiṭṭhadhammanibbānam patto hotī'ti. ittheke sato sattassa paramadiṭṭhadhammanibbānam paññāpenti.

108. tamañño evamāha: ' atthi kho bho eso attā yaṃ tvaṃ vadesi. neso natthiti vadāmi. no ca kho bho ayaṃ attā ettāvatā paramadiṭṭhadhammanibbānaṃ patto

bjt page 64 pts page 037

hoti. tam kissa hetu? yadeva tattha vitakkitam vicāritam etenetam oļārikam akkhāyati. yato kho bho ayam attā vitakkavicārānam vūpasamā ajjhattam sampasādanam cetaso ekodibhāvam avitakkam avicāram samādhijam pītisukham dutiyam jhānam upasampajja viharati. ettāvatā kho bho ayam attā paramadiṭṭhadhammanibbānam patto hotī'ti. ittheke sato sattassa paramadiṭṭhadhammanibbānam paññāpenti.

109. tamañño evamāha: 'atthi kho bho eso attā yam tvam vadesi. neso natthiti vadāmi. no ca kho bho ayam attā ettāvatā paramadiṭṭhadhammanibbānam patto hoti. tam kissa hetu? yadeva tattha pītigatam cetaso ubbillāvitattam etenetam oļārikam akkhāyati. yato kho bho ayam attā pītiyā ca virāgā upekkhako ca viharati sato ca sampajāno sukham ca kāyena paṭisamvedeti yantam ariyā ācikkhanti upekkhako satimā sukhavihārīti tatiyam jhānam upasampajja viharati. ettāvatā kho bho ayam attā paramadiṭṭhadhammanibbānam patto hotī'ti. ittheke sato sattassa paramadiṭṭhadhammanibbānam paññāpenti.

110. tamañño evamāha: 'atthi kho bho eso attā, yam tvam vadesi, neso natthiti vadāmi. no ca kho bho ayam attā ettāvatā paramadiṭṭhadhammanibbānam patto hoti. tam kissa hetu? yadeva tattha sukhamiti cetaso ābhogo etenetam oļārikam akkhāyati. yato kho bho ayam attā sukhassa ca pahānā dukkhassa ca pahānā

bit page 66

pubbeva somanassadomanassānam atthagamā adukkhamasukham upekkhāsatipārisuddhim catuttham jhānam upasampajja viharati, ettāvatā kho bho ayam attā paramadiţţhadhammanibbānam patto hotī'ti. ittheke sato sattassa paramadiţţhadhammanibbānam paññāpenti.

- 111. imehi kho te bhikkhave samaṇabrāhmaṇā diṭṭhadhammanibbānavādā sato sattassa paramadiṭṭhadhammanibbānaṃ paññāpenti pañcahi vatthūhi. ye hi keci bhikkhave samaṇā vā brāhmaṇā vā diṭṭhadhammanibbānavādā sato sattassa paramadiṭṭhadhammanibbānaṃ paññāpenti, sabbe te imeheva pañcahi vatthūhi, etesaṃ vā aññatarena. natthi ito bahiddhā.
- 112. tayidam bhikkhave tathāgato pajānāti: "ime diţthiṭṭhānā evam gahitā evam parāmaṭṭhā evamgatikā bhavissanti evamabhisamparāyā"ti. tañca tathāgato pajānāti. tato ca uttaritaram pajānāti. tañca pajānanam na parāmasati. aparāmasato cassa paccattam yeva nibbuti viditā. vedanānam samudayanca atthagamanca assādanca ādīnavanca nissaraṇanca yathābhūtam viditvā anupādā vimutto bhikkhave tathāgato.
- 113. ime kho te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇḍitavedanīyā ye tathāgato sayaṃ abhiññā sacchi-

katvā pavedeti yehi tathāgatassa yathābhuccam vaņņam sammā vadamānā vadeyyum.

- 114. imehi kho te bhikkhave samaṇabrāhmaṇā aparantakappikā aparantānudiṭṭhino aparantaṃ ārabbha anekavihitāni adhivuttipadāni abhivadanti catucattārīsāya vatthūhi. ye hi keci bhikkhave samaṇā vā brāhmaṇā vā aparantakappikā aparantānudiṭṭhino aparantaṃ ārabbha anekavihitāni adhivuttipadāni abhivadanti, sabbe te imeheva catucattārīsāya vatthūhi, etesaṃ vā aññatarena. natthi ito bahiddhā.
- 115. tayidam bhikkhave tathāgato pajānāti: "ime diṭṭhiṭṭhānā evam gahitā evam parāmaṭṭhā evamgatikā bhavissanti evamabhisamparāyā"ti. tañca tathāgato pajānāti. tato ca uttaritaram pajānāti. tañca pajānanam na parāmasati. aparāmasato cassa paccattam yeva nibbuti viditā. vedanānam samudayañca atthagamañca assādañca ādīnavañca nissaraṇañca yathābhūtam viditvā anupādā vimutto bhikkhave tathāgato.
- 116. ime kho te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇḍitavedanīyā ye tathāgato sayam abhiññā sacchikatvā pavedeti yehi tathāgatassa yathābhuccam vaṇṇam sammā vadamānā vadeyyum.

- 117. imehi kho te bhikkhave samaṇabrāhmaṇā pubbantakappikā ca aparantakappikā ca pubbantāparantakappikā ca pubbantāparantama ārabbha anekavihitāni adhivuttipadāni abhivadanti dvāsaṭṭhiyā vatthūhi. ye hi keci bhikkhave samaṇā vā brāhmaṇā vā pubbantakappikā ca aparantakappikā ca pubbantāparantakappikā ca pubbantāparantama ārabbha anekavihitāni adhivuttipadāni abhivadanti, sabbe te imeheva dvāsaṭṭhiyā vatthūhi, etesaṃ vā aññatarena. natthi ito bahiddhā.
- 118. tayidam bhikkhave tathāgato pajānāti: ime diṭṭhiṭṭhānā evam āgatā evam parāmaṭṭhā evam gahitā bhavissanti evamabhisamparāyā'ti. tañca tathāgato pajānāti tato ca uttaritaram pajānāti. tañca pajānanam na parāmasati. aparāmasato cassa paccattaññeva nibbuti viditā. vedanānam samudayañca atthagamañca assādañca ādīnavañca nissaraṇañca yathābhūtam viditvā anupādāvimutto bhikkhave tathāgato.
- 119. ime kho te bhikkhave dhammā gambhīrā duddasā duranubodhā santā paṇītā atakkāvacarā nipuṇā paṇḍitavedanīyā, ye tathāgato sayaṃ abhiññā sacchikatvā pavedeti, yehi tathāgatassa yathābhuccaṃ vaṇnam sammā vadamānā vadeyyum.
- **120.** tatra bhikkhave ye te samaṇabrāhmaṇā sassatavādā sassatam attānañca lokañca paññāpenti catūhi

vatthūhi, tadapi tesam bhavatam samanabrāhmanānam ajānatam apassatam vedayitam tanhāgatānam paritasitavipphanditameva.

- 121. tatra bhikkhave ye te samaṇabrāhmaṇā ekaccasassatikā ekaccasassatikā ekaccaṃ asassataṃ attānañca lokañca paññāpenti catūhi, tadapi tesaṃ bhavataṃ samaṇabrāhmaṇānaṃ ajānataṃ apassataṃ vedayitaṃ taṇhāgatānaṃ paritasitavipphanditameva.
- 113. tatra bhikkhave ye te samaṇabrāhmaṇā antānantikā antānantaṃ lokassa paññāpenti catūhi vatthūhi, tadapi tesaṃ bhavataṃ samaṇabrāhmaṇānaṃ ajānataṃ apassataṃ vedayitaṃ taṇhāgatānaṃ paritasitavipphanditameva.
- 113. tatra bhikkhave ye te samaṇabrāhmaṇā amarāvikkhepikā tattha tattha pañhaṃ puṭṭhā samānā vācāvikkhepaṃ āpajjanti amarāvikkhepaṃ catūhi vatthūhi, tadapi tesaṃ bhavataṃ samaṇabrāhmaṇānaṃ ajānataṃ apassataṃ vedayitaṃ taṇhāgatānaṃ paritasitavipphanditameva.
- 114. tatra bhikkhave ye te samaṇabrāhmaṇā adhiccasamuppannikā adhiccasamuppannaṃ attānañca lokañca paññāpenti dvīhi vatthūhi, tadapi tesaṃ bhava-

pts page 040

tam samanabrāhmanānam ajānatam apassatam vedayitam, tanhāgatānam paritasitavipphanditameva.

- 115. tatra bhikkhave ye te samaṇabrāhmaṇā pubbantakappikā pubbantānudiṭṭhino pubbantaṃ ārabbha anekavihitāni adhivuttipadāni abhivadanti aṭṭhārasahi vatthūhi, tadapi tesaṃ bhavataṃ samaṇabrāhmaṇānaṃ ajānataṃ apassataṃ vedayitaṃ, taṇhāgatānaṃ paritasitavipphanditameva.
- 116. tatra bhikkhave ye te samaṇabrāhmaṇā uddhamāghātanikā saññīvādā uddhamāghātanā saññim attānam paññāpenti soļasahi vatthūhi, tadapi tesam bhavatam samaṇabrāhmaṇānam ajānatam apassatam vedayitam, taṇhāgatānam paritasitavipphanditameva.
- 117. tatra bhikkhave ye te samaṇabrāhmaṇā uddhamāghātanikā asaññīvādā uddhamāghātanā asaññim attānam paññāpenti aṭṭhahi vatthūhi, tadapi tesam bhavatam samaṇabrāhmaṇānam ajānatam apassatam vedayitam, taṇhāgatānam paritasitavipphanditameva.
- 118. tatra bhikkhave ye te samaṇabrāhmaṇā uddhamāghātanikā nevasaññināsaññivādā uddhamāghātanā nevasaññim nāsaññim attānam paññāpenti aṭṭhahi vatthūhi, tadapi tesam bhavatam samaṇabrāhmaṇānam ajānatam apassatam vedayitam, taṇhāgatānam paritasitavipphanditameva.

- 119. tatra bhikkhave ye te samaṇabrāhmaṇā ucchedavādā sato sattassa ucchedaṃ vināsaṃ vibhavaṃ paññāpenti sattahi vatthūhi, tadapi tesaṃ bhavataṃ samaṇabrāhmaṇānaṃ ajānataṃ apassataṃ vedayitaṃ, taṇhāgatānaṃ paritasitavipphanditameva.
- 120. tatra bhikkhave ye te samaṇabrāhmaṇā diṭṭhadhammanibbānavādā sato sattassa paramadiṭṭhadhammanibbānaṃ paññāpenti pañcahi vatthūhi, tadapi tesaṃ bhavataṃ samaṇabrāhmaṇānaṃ ajānataṃ apassataṃ vedayitaṃ, taṇhāgatānaṃ paritasitavipphanditameva.
- 121. tatra bhikkhave ye te samaṇabrāhmaṇā aparantakappikā aparantānudiṭṭhino aparantaṃ ārabbha anekavihitāni adhivuttipadāni abhivadanti catucattārīsāya vatthūhi, tadapi tesaṃ bhavataṃ samaṇabrāhmaṇānaṃ ajānataṃ apassataṃ vedayitaṃ, taṇhāgatānaṃ paritasitavipphanditameva.
- 122. tatra bhikkhave ye te samaṇabrāhmaṇā pubbantakappikā ca aparantakappikā ca pubbantāparantakappikā ca pubbantāparantamārabbha anekavihitāni adhivuttipadāni abhivadanti dvāsaṭṭhiyā vatthūhi, tadapi tesaṃ bhavataṃ samaṇabrāhmaṇānaṃ ajānataṃ apassataṃ vedayitaṃ, taṇhāgatānaṃ paritasitavipphanditameva.

- **123.** tatra bhikkhave ye te samaṇabrāhmaṇā sassatavādā sassataṃ attānañca lokañca paññāpenti catūhi vatthūhi, tadapi phassapaccayā.
- **124.** tatra bhikkhave ye te samaṇabrāhmaṇā ekaccasassatikā ekaccam sassatam ekaccam asassatam attānañca lokañca paññāpenti catūhi vatthūhi, tadapi phassapaccayā.
- **125.** tatra bhikkhave ye te samaṇabrāhmaṇā antānantikā antānantaṃ lokassa paññāpenti catūhi vatthūhi, tadapi phassapaccayā.
- **126.** tatra bhikkhave ye te samaṇabrāhmaṇā amarāvikkhepikā tattha tattha pañhaṃ puṭṭhā samānā vācāvikkhepaṃ āpajjanti amarāvikkhepaṃ catūhi vatthūhi, tadapi phassapaccayā.
- 127. tatra bhikkhave ye te samaṇabrāhmaṇā adhiccasamuppannikā adhiccasamuppannaṃ attānañca lokañca paññāpenti dvīhi vatthūhi, tadapi phassapaccayā.
- **128.** tatra bhikkhave ye te samaṇabrāhmaṇā pubbantakappikā pubbantānudiṭṭhino pubbantaṃ ārabbha anekavihitāni adhivuttipadāni abhivadanti aṭṭhārasahi vatthūhi, tadapi phassapaccayā.

- 129. tatra bhikkhave ye te samaṇabrāhmaṇā uddhamāghātanikā saññivādā uddhamāghātanā saññiṃ attānaṃ paññāpenti soļasahi vatthūhi, tadapi phassapaccayā.
- 130. tatra bhikkhave ye te samaṇabrāhmaṇā uddhamāghātanikā asaññīvādā uddhamāghātanā asaññiṃ attānaṃ paññāpenti aṭṭhahi vatthūhi, tadapi phassapaccayā.
- 131. tatra bhikkhave ye te samaṇabrāhmaṇā uddhamāghātanikā nevasaññināsaññivādā uddhamāghātanā nevasaññim nāsaññim attānam paññāpeti aṭṭhahi vatthūhi, tadapi phassapaccayā.
- **132.** tatra bhikkhave ye te samaṇabrāhmaṇā ucchedavādā sato sattassa ucchedaṃ vināsaṃ vibhavaṃ paññāpenti sattahi vatthūhi, tadapi phassapaccayā.
- 133. tatra bhikkhave ye te samaṇabrāhmaṇā diṭṭhadhammanibbānavādā sato sattassa paramadiṭṭhadhammanibbānaṃ paññāpenti pañcahi vatthūhi, tadapi phassapaccayā.
- **134.** tatra bhikkhave ye te samaṇabrāhmaṇā aparantakappikā aparantānudiṭṭhino aparantaṃ ārabbha ane-

kavihitāni adhivuttipadāni abhivadanti catucattārīsāya vatthūhi, tadapi phassapaccayā.

- 135. tatra bhikkhave ye te samaṇabrāhmaṇā pubbantakappikā ca aparantakappikā ca pubbantāparantakappikā ca pubbantāparantam ārabbha anekavihitāni adhivuttipadāni abhivadanti dvāsaṭṭhiyā vatthūhi, tadapi phassapaccayā.
- **136.** tatra bhikkhave ye te samaṇabrāhmaṇā sassatavādā sassataṃ attānañca lokañca paññāpenti catūhi vatthūhi, te vata aññatra phassā paṭisaṃvedissantīti netaṃ ṭhānaṃ vijjati.
- 137. tatra bhikkhave ye te samaṇabrāhmaṇā ekaccasassatikā ekaccam sassatam ekaccam asassatam attānañca lokañca paññāpenti catūhi vatthūhi, te vata aññatra phassā paṭisaṃvedissantīti netam thānam vijjati.
- 138. tatra bhikkhave ye te samaṇabrāhmaṇā antānantikā antānantaṃ lokassa paññāpenti catūhi vatthūhi, te vata aññatra phassā paṭisaṃvedissantīti netaṃ ṭhānam vijjati.
- **139.** tatra bhikkhave ye te samaṇabrāhmaṇā amarāvikkhepikā tattha tattha pañhaṃ puṭṭhā samānā vācāvikkhepaṃ āpajjanti amarāvikkhepaṃ catūhi vatthūhi,

te vata aññatra phassā paṭisaṃvedissantīti netaṃ ṭhānaṃ vijjati.

- **140.** tatra bhikkhave ye te samaṇabrāhmaṇā adhiccasamuppannikā adhiccasamuppannaṃ attānañca lokañca paññāpenti dvīhi vatthūhi, te vata aññatra phassā paṭisaṃvedissantīti netaṃ ṭhānaṃ vijjati.
- 141. tatra bhikkhave ye te samaṇabrāhmaṇā pubbantakappikā pubbantānudiṭṭhino pubbantaṃ ārabbha anekavihitāni adhivuttipadāni abhivadanti aṭṭhārasahi vatthūhi, te vata aññatra phassā paṭisaṃvedissantīti netaṃ ṭhānaṃ vijjati.
- **142.** tatra bhikkhave ye te samaṇabrāhmaṇā uddhamāghātanikā saññīvādā uddhamāghātanā saññim attānam paññāpenti soļasahi vatthūhi, te vata aññatra phassā paṭisaṃvedissantīti netaṃ ṭhānaṃ vijjati.
- 143. tatra bhikkhave ye te samaṇabrāhmaṇā uddhamāghātanikā asaññīvādā uddhamāghātanā asaññiṃ attānaṃ paññāpenti aṭṭhahi vatthūhi, te vata aññatra phassā paṭisaṃvedissantīti netaṃ ṭhānaṃ vijjati.
- **144.** tatra bhikkhave ye te samaṇabrāhmaṇā uddhamāghātanikā nevasaññīnāsaññīvādā uddhamāghātanā

nevasaññim nāsaññim attānam paññāpenti aṭṭhahi vatthūhi, te vata aññatra phassā paṭisaṃvedissantīti netaṃ ṭhānaṃ vijjati.

- 145. tatra bhikkhave ye te samaṇabrāhmaṇā ucchedavādā sato sattassa ucchedam vināsam vibhavam paññāpenti sattahi vatthūhi, te vata aññatra phassā paṭisamvedissantīti netam ṭhānam vijjati.
- 146. tatra bhikkhave ye te samaṇabrāhmaṇā diṭṭhadhammanibbānavādā sato sattassa paramadiṭṭhadhammanibbānaṃ paññāpenti pañcahi vatthūhi, te vata aññatra phassā paṭisaṃvedissantīti netaṃ ṭhānaṃ vijjati.
- 147. tatra bhikkhave ye te samaṇabrāhmaṇā aparantakappikā aparantānudiṭṭhino aparantaṃ ārabbha anekavihitāni adhivuttipadāni abhivadanti catucattārīsāya vatthūhi, te vata aññatra phassā paṭisaṃvedissantīti netaṃ ṭhānaṃ vijjati.
- 148. tatra bhikkhave ye te samaṇabrāhmaṇā pubbantakappikā ca aparantakappikā ca pubbantāparantakappikā ca pubbantāparantampikā ca pubbantāparantampārabbha anekavihitāni adhivuttipadāni abhivadanti dvāsaṭṭhiyā vatthūhi, te vata aññatra phassā paṭisaṃvedissantīti netaṃ ṭhānaṃ vijjati.

bit page 78

149. tatra bhikkhave ye te samanabrāhmanā sassatavādā sassatam attānanca lokanca pannapenti catūhi vatthūhi, ye'pi te samanabrāhmanā ekaccasassatikā ekaccaasassatikā, ye'pi te samanabrāhmanā antānantikā, ye'pi te samanabrāhmanā amarāvikkhepikā, ye'pi te samanabrāhmanā adhiccasamuppannikā, ve'pi te samaņabrāhmaņā pubbantakappikā, ye'pi te samanabrāhmaņā uddhamāghātanikā saññīvādā, ye'pi te samanabrāhmanā uddhamāghātanikā asaññīvādā, ye'pi te samanabrāhmanā uddhamāghātanikā nevasaññīnāsaññīvādā, ye'pi te samanabrāhmanā ucchedavādā, ye'pi te samanabrāhmanā ditthadhammanibbānavādā, ye'pi te samanabrāhmanā aparantakappikā, ye'pi te samanabrāhmanā pubbantakappikā ca aparantakappikā ca pubbantāparantakappikā ca, pubbantāparantānuditthino pubbantāparantam ārabbha anekavihitāni adhivuttipadāni abhivadanti dvāsatthiyā vatthūhi, sabbe te chahi phassayatanehi phussa phussa patisamvedenti. tesam vedanāpaccayā tanhā, tanhāpaccayā upādānam, upādānapaccayā bhavo, bhavapaccayā jāti, jātipaccayā jarāmaraņam sokaparidevadukkhadomanassupāyāsā sambhavanti. vato kho bhikkhave bhikkhu channam phassāyatanānam samudayam ca atthagamam ca assādam ca ādīnavam ca nissaraņam ca yathābhūtam pajānāti, ayam imehi sabbeheva uttaritaram pajānāti.

150. ye hi keci bhikkhave samaṇā vā brāhmaṇā vā pubbantakappikā vā aparantakappikā vā pubbantāparantakappikā vā pubbantāparantānudiṭṭhino pubban-

tāparantam ārabbha anekavihitāni adhivuttipadāni abhivadanti, sabbe te imeheva dvāsatthiyā vatthūhi antoiālīkatā ettha sitā'va ummujiamānā ummujianti. (nimujjamānā nimujjanti.) ettha pariyāpannā antojālīkatā'va ummujjamānā ummujjanti, (nimujjamānā nimujjanti.)* sevvathāpi bhikkhave dakkho kevatto vā kevattantevāsī vā sukhumacchikena jālena parittam udakadaham otthareyya, tassa evamassa: "ye kho keci imasmim udakadahe olārikā pāņā, sabbe te antojālīkatā ettha sitā'va ummujjamānā ummujjanti, (nimujjamānā nimujjanti). ettha pariyāpannā antojālīkatā 'va ummujjamānā ummujjanti, (nimujjamānā nimujjantī"ti)* evameva kho bhikkhave ye hi keci samanā vā brāhmanā vā pubbantakappikā vā aparantakappikā vā pubbantāparantakappikā vā pubbantāparantānuditthino pubbantāparantam ārabbha anekavihitāni adhivuttipadāni abhivadanti, sabbe te imeheva dvāsatthiyā vatthūhi antojālīkatā ettha sitā'va ummujjamānā ummujjanti, (nimmujjamānā nimujjanti.)* ettha pariyāpannā antojālīkatā'va ummujjamānā ummujjanti, (nimujjamānā nimujjanti.)*

151. ucchinnabhavanettiko bhikkhave tathāgatassa kāyo tiṭṭhati. yāvassa kāyo ṭhassati, tāva naṃ dakhinti devamanussā. kāyassa bhedā uddhaṃ jīvitapariyādānā na naṃ dakkhinti devamanussā.

seyyathāpi bhikkhave ambapiņḍiyā vaṇṭacchinnāya yāni kānici ambāni vaṇṭapaṭibaddhāni, sabbāni tāni tadanvayāni bhavanti, evameva kho bhikkhave ucchinnabhavanettiko tathāgatassa kāyo tiṭṭhati. yāvassa kāyo ṭhassati, tāva naṃ dakkhinti devamanussā. kāyassa bhedā uddhaṃ jīvitapariyādānā na naṃ dakkhinti devamanussā'ti.

- 152. evam vutte āyasmā ānando bhagavantam etadavoca: 'acchariyam bhante, abbhutam bhante, ko nāmāyam bhante dhammapariyāyo?'ti. "tasmātiha tvam ānanda imam dhammapariyāyam atthajālanti'pi nam dhārehi. dhammajālanti'pi nam dhārehi. brahmajālanti'pi nam dhārehi. anuttaro sangāmavijayo'ti'pi nam dhārehī"ti.
- **153.** idamavoca bhagavā. attamanā te bhikkhū bhagavato bhāsitam abhinandunti. imasmim ca pana veyyākaraṇasmim bhaññamāne dasasahassī lokadhātu akampitthāti.